







1522




誠意伯劉文成公文集

六







太師誠意伯劉文成公集卷之十

後學麗水何鏗編校

古樂府

艾如張

有苑者林叢鳥萃之我欲張羅榛楛翳之既礪我斧又飭我
徒孰是與穢而不剪除爰升于虛以相乃麓有條我綱載秩
我目有鳥有鳥五采其章離離喑喑率彼高岡張之弗獲憂
心且傷寤寐懷思曷云能忘有鳥五采亦既來止昭其德音
以相君子君子豈弟其儀是若艾而張矣云胡不樂

芳樹

蔚彼芳樹生于蘭池景風晝拂榮泉夜滋燁如其光炫于朱
曦含華吐芬嚶鳴滿枝君子有酒以遨以嬉羽觴交橫吹竹
彈絲相彼草木允惟厥時良辰易徂能不懷思沛其邁矣其
誰女悲

上陵

零雨霏霏亦降于桑愴恨中懷念昔先皇惟昔先皇創業孔
艱寤寐與懷能不永歎精靈安所體魄焉依幽明隔絕曷已
其思堂堂梓宮在彼高岡霜露是萃能不慨傷禮起由情將
情繫物溥斯索矣庶其罔闕郊社既虔宗廟孔威上陵是申
式昭孝思

將進酒

有酒湛湛亦盈于觴酌言進之思心洋洋亦有兄弟在天一
方安得致之樂以徜徉有酒在尊既旨且清何以酌之有觥
其觥豈不欲飲惜無友生愴悵傷懷曷云其平兄弟之合如
墳如麓朋友既比如網如維死喪急難是責是庇今日有酒
如何勿思人亦有言解憂惟酒載懽載嘍亦孔之咎我觴維
瓊我竿維玖以樂兄弟以宴朋友

上之回

上之回六龍矯捷光耀拂鷺鳥輜石闕匝棠黎揚靈旗縣月
支天馬來宛居劄穆上玄釐穰穰坐明堂朝萬方翕披離王

燭光於億年樂未央

朱鷺

朱鷺來玉山巔
頽翁引燦臆
延朱鷺來絕流
漚飲赤水食丹砂
朱鷺來炎德
加威昆明滇
燹訛朱鷺來集太液
帝錫祐荒廣
斥朱鷺來燁煌煌
挾鷓鴣媒鳳凰
朱鷺來皇之輝
神筭演無窮期

巫山高

巫山高哉鬱崔嵬
下有江漢浮天回
深林日月照不到
洞谷闔闢生風雷
危峯半出赤道上
落日猿狖鳴聲哀
虎牙赤甲闔碓壯風氣
以之而隔閔
楚王遺跡安在哉
但見麋鹿跳蒿

萊當時忠臣放澤畔
乃與靳尚相徘徊
山中妖狐老不死
化作婦女蓮花腮
潛形譎跡託夢寐
變幻涕泪成瓊瑰
神靈震怒不可禱
雲霧慘淡昏陽臺
猛風吹雨洗不盡
假手秦炬歎飛灰
精誠感應各以類
世間妖孽匪自来
君不見商王夢中得良弼
傳巖之美今安匹
巫山何事近楚宮
終古怨恨流無窮

戰城南

朝戰城南門暮戰城北郭
殺氣高衝白日昏
劍光直射旄頭落
聖人以五服限夷夏
射獵耕織各自安
土風胡為彼狂不自頤
而與大國爭長
雄高帝定天下
遺此平城憂
陛下宵旰

不遑食擁旄伏鉞臣不羞登南城望北土雲茫茫土膻膻蚩
尤馮牙雷擊鼓舉長戟揮天狼休屠日逐渾邪王羶車尾尾
連馬羊橐駝載金人照耀紅日光逍遙而來歸帝鄉歸帝鄉
樂熙熙際天所覆罔不來小臣獻凱未央殿陛下垂拱安無
為

君馬黃

君馬黃我馬驪二馬八足爭驅馳回頭顧影雙驕嘶尾端散
作頰虹飛黃馬曜日黃金晶驪馬謂是玄天精眼前好醜那
能明吾聞良驥稱以德不聞於此驪黃色世無伯樂識者誰
有德無色空自知

思悲翁

弱齡輕日月邁景想神仙顧徃諒無及待來徒自憐黃金棄
砂礫劬心鍊丹鉛鑿石不得水沉劍徒窺淵流光不我與白
髮盈華顛杖策出門去十步九不前歸來對妻子塵甑午未
煙干時乏計策退畊無園田霜蒲怨青松逝矢恨驚弦已矣
復何道吞聲赴黃泉

聖人出

聖人出臨萬方赤若白日登扶桑陰靈誦精星滅芒群氛辟
易歸大荒掩曖寒谷熙春陽枯根發茁暢幽藏潛魚躍波谷
鳥翔花明草暖青天長青天長聖人壽北斗軒轅調氣候北

詞意仙文集 卷七
辰中居環列宿八風應律九歌奏圓方交格神靈輳聖人出
陽道開億萬年歌康哉

釣竿

斫竹作釣竿抽蠶作釣絲滄洲日暖波漣漪綠蒲茸柳葉
垂鈎纖餌香魚不知石鱗激水溪毛動玉燕迴翔竿尾重大
魚入饌腮頰紅小魚却放淵云中更祝小魚知我意長逝深
潭莫貪餌

思美人

雨欲來風蕭蕭披桂枝拂陵若繁英墮鮮葉飄揚煙埃靡招
搖激房帷發綺綃中髮膚憺寂寥思美人隔青霄水渺茫山

岩崑雲中鳥何條條欲寄書天路遙東逝川不可邀芳蘭花
日夜凋掩瑶琴閑玉簫竟眾眾心搖搖望明月歌且謠聊逍
遙未今宵

閔山月

閔山月明風惻惻萬里黃雲維沙磧夜深羌笛吹一聲征人
相看淚沾臆古人以綏服奮武衛耕戡守禦不外求何人倡
此戍邊策千載以貽中國憂閔山月圓復缺何忍年年照離
別願得馳光照明主莫遣邊人望鄉苦

楚妃歎

江漢揚波六千里上有巫山蠱天起錦衾一夕夢行雲萬戶

千門冷如水聞道秦兵下武關君王留連猶未還山深不見
章臺殿汨羅窻淚空潺湲尚憶前王好馳逐宮中美人不食
肉回狂作哲須臾間至今相業歸孫叔楚宮無復如昔人况
有神女如花新悲來恨新還憶故誰能斷却巫山路

上清詞三首

王子晉好吹笙吹得神仙下玉京一朝羽化隨風去回首故
宮芳草生

天上月影悠悠似鏡看看又似鉤自是嫦娥甘寂寞桂華相
對度千秋

河漢水九秋清涼月滿空聞鴈聲鴈聲不到夢先到白露濕

衣天未明

漢宮曲

小雨如烟晝掩扉捲簾忽見燕雙飛不知春色能多少總向
昭陽柳上歸

江上曲八首

數樹垂楊綠水邊問郎何不繫蘭舫浦沙新漲青山遠半夜
月明無杜鵑

曾記樓船夜泊時家家絃管闐腰肢于今絃管歸何處縮束
枯蒲當酒旗

昨夜月明天似水今晨月落水如天天長水遠人何處蘆葦

蕭蕭一抹烟

紫桂香銷五夜霜
碧雲收盡玉蟾光
琅玕不是人間樹
何處朝陽有鳳凰

月出前山青黛寒
鴈聲遙下碧雲端
草根錯認驪珠吐
自是西風白露團

賓鴈來時月滿洲
于今鴈去月如鉤
鴈來鴈去何時了
月照離人又白頭

憶見垂楊縷綠絲
階看秋菊映疎籬
柳花作絮隨風去
菊綻金葩欲似誰

紅蓼丹楓一色秋
楚雲吳水共悠悠
人間萬事西風過
惟有

滄江日夜流

寒夜謠二首

良夜悠悠星河滿
天風吹窓櫺聲如管絃
無酒可飲寒不能
眠枯腸飢鳴百慮交
煎人生一世不滿百年
寤寐懷思曷維其然
內省不疚有愧聖賢

今夕何夕歲聿其徂
草木凋落山川縈紆
瞻彼鴻鴈拂翼天衢
雖離和鳴載悠載徐
雖無羽翰心與之俱
華月出雲青鐙在
隅歌以寫懷云何其吁

夜夜曲

冬夜恒苦長夏夜恒苦
短短長相救虧殷勤望
推挽紉茅作

繩繩易斷汲水作池池易旱故鏡塵昏難遠照故衣絮散無
新暖西風嫋嫋吹桂枝白露點苔黃葉滿

秋夜曲

木落霜露繁烏啼夜方永起行望明月西風吹鴈影鴈飛一
何急烏啼安所集徘徊不能寐望月空佇立佇立河漢傾誰
家砧杵聲關山渺千里何處不傷情

長歌續短歌

短歌調促情苦悲長歌引愁無絕期短聲欲盡長聲續似是
荆山人泣玉悲哉荆山泣玉人但知貴玉不貴身縱令哭盡
歌堪聽何異春花委路塵古稱悲歌可當哭傷心如中金石

鏃更不必聽蔡琰笳又不必聽漸離筑長歌飄揚徹九天短
歌嗚咽入九泉徒言歌哭兩情異誰知歌聲尤可憐

牆頭花

牆頭花紅錦妬美人抱瑟倚高樓只恐花飛逐風去熒熒絳
蠟送殘宵燕語鶯啼斜日暮

望行人

朝聽乾鵲鳴暮見燈花結鵲鳴燈結無定期鏡裏青雲看成
雪人生百歲難長保天上孤鸞海中老滔滔逝水不回西灼
灼秋花幾時好一朝復一朝一夕復一夕只恐君心念妾時
妾身已作山頭石

長松梢

長松梢青拂天歲暮商飈急寒苦令人憐陰崖有樸檉生在
荆棘下霜凋荆棘葉網綴如簷瓦春風破冰凍勁綠不曾枯
禍福相倚伏豈不在所招寧為樸檉莖莫作長松梢

折楊柳

東風二月春如酒不見百花惟見柳柳絲綰烟留暝鴉柳花
蕩漾迷羲和美人捲簾看不足柳色萋萋妬娥綠夜來微雨
清郊圻鶯黃相應鳴塢窳欲寄柔條無信使空將淚染回文

字

王子喬

王子喬乃是髭王之子皇王之孫深宮洞房不稱意却駕白
鶴尋軒轅虹蜺為旆雲為幡飄然乘風上崑崙王子喬去何
之朝發暘谷暮崦嵫六龍九鳳相追隨穆王西上不得王母
訣胡為元氣獨爾私王子喬去不還后稷功業委如山猶有
九鼎知神姦王城日夕生茹管爾獨胡為白雲間王子喬空
長歎

走馬引

天冥冥雲濛濛當天白日中貫虹壯士拔劍出門去手提仇
頭擲草中擲草中血漉漉追兵夜至深谷伏精誠感天天心
哀太一乃遣天馬從天來揮霍雷電揚風埃壯士呼天馬馳

橫行白晝更不敢窺戴天之耻自古有必報天地亦與相扶
持夫差徒能不忘而報越棲於會稽又縱之始知壯士獨無
媿魯莊嵇紹何以為人為

結交行

朋友以義合又要貴不忘結交或匪人駒虞化為狼君不見
市井人盃酒忽相得傾肝瀉膽無所惜一朝需求不稱意口
裏驅蛭心上蠅更聞背語觸疑心墻角車輪亦生翅君不見
耳與餘又不見田與竇當其得意時刎頸以相就寧知嫌隙
反掌成坐令衽席生戈兵古人重結交晏子真其人伍文執
誼羊豕之合死生棄置安足陳

梁甫吟

誰謂秋月明蔽之不必一尺翳誰謂江水清滄之不必一斗
泥人情旦暮有翻覆平地倏忽成山谿君不見桓公相仲父
豎刁終亂齊秦穆信逢孫遂違百里奚赤符天子明見萬里
外乃以薏苡為文犀停婚仆碑何震怒青天白日生虹蜺明
良際會有如此而况童角不辨粟與稊外間皇父中豔妻馬
角突兀連牝鷄以聰為聾狂作聖顛倒衣裳行羨藜屈原懷
沙子胥棄魍魅叫嘯風淒淒梁甫吟悲以悽岐山竹實日稀
少鳳皇憔悴將安棲

春日行

白日出東陸垂光曜中天大哉至陽德蕩蕩無頗偏坐令慘
烈化滋潤頃刻枯槁回鮮妍聖人法天道神化叅玄微春朝
著典禮上下同光暉垂衣向明物自有帝力皞皞無人知春
天和春日麗但願宇宙長如春 聖明天子千萬歲

牆上難為趨行

弱水不可以航石林不可以車人生貴守分牆上難為趨茫
茫八極內狹徑交通衢紛紛皆轍迹擾擾論錙銖焦原詭齊踵
龍頷夸探珠片言取卿相盃酒賦剪屠機事一朝露妻子化
為魚林間有一士蓬蒿鬢窮廬種稻十數畝種桑八九株有
酒且飲之無事即安居孰知五鼎食聊保百年軀悠悠身後

事沒沒復何如

少年行

駿馬孤白裘玉勒黃金羈賔從如浮雲顧盼生光輝朝驅紫
陌塵暮醉青樓姬但見花月好寧知霜雪飛荏苒世途異淒
涼瑤草衰園田皆易主親友盡睽違學書時既晚躬稼力已
微歲晏寒風生倚牆聽隣機逝水不可挽枯蓬安所依佇立
為爾歎感我淚沾衣

獨漉篇

獨漉復獨漉月明江水濁水濁迷龍魚月明復何如楚國皆
濁屈原獨清行吟澤畔哀哉不平上山采茶下山采蘼心在

腹中何由可白豺狼在後虎豹在前四顧無人魂飛上天珠
玉委棄不如泥沙躡冠戴履萬古悲嗟

懊懷歌

白鷗養雛時夜夜啼暝曙如何羽翼成各自東西去
昨夜霜風起入戶復吹帷兒啼母心酸母愁兒不知
養兒圖養老無兒生煩惱臨老不見兒不如無兒好
食蘗苦在口食蓮苦在心苦心無人知苦口浹沾襟
男兒初生時蓬矢桑弧弓老大却思家懊惱無終窮

王昭君

漢庭不賞微功士昭君却向胡中死昭君辭漢入胡中胡女

悲秋漢嬪喜含情欲怨當語誰手彈琵琶淚沾衣掖庭望幸
從此絕巫山有路他生歸殷勤說與上林驛好在明年再相
見漢恩如海長自深妾自生來命如綫賤妾一身何足惜可
惜當年劉敬策遂令上策重和親欲倚紅顏清塞塵只恐妾
身先草露漢宮無復如花人

塘上行

塘上何所有有蒲與荷花蒲花難開荷易落使我歎恨長咨
嗟鴛鴦戲我後鷓鴣翔我前四顧不見人淚下如流泉浮萍
違源井寄身滄江渚滄江不應竭是妾命如許朝淚灑玉臺
夕淚沾羅衾采荷得見蓮中復懷苦心廣筵列肴蔬好者即

美味茶蓼有時甘菘葵有時葉巖風吹秋林蕙蘭化為草於
他今可憎芳菲故嘗好行亦私自憐坐亦私自憐願為天邊
月流影玉堦前

君子有所思

晨上龍首山徘徊望咸京交衢錯萬井甲第連公卿鞍馬相
照曜冠蓋如雲行扈從金宮歸賜酒銀甕盈前庭列騶騎後
苑羅傾城籠極妬心起歡餘驕氣生田竇巧相奪蕭韓互摧
傾快意在一時報復延戈兵范曄掉柔舌穰侯去疆嬴寧知
幽燕客接踵夸雄鳴茫茫前車轍遺跡猶未平胡為不自悟
坐使憂患并二疏獨何人千載垂今名

上山采蘼蕪

上山采蘼蕪山峻路迢迢下山逢故夫悲風生羅袂憶昔結
髮時願得終百年變故不可期中道相棄捐蓮實生水中石
榴生路側未嘗掛齒牙中心豈能識上山采蘼蕪羅袖生芳
菲因君贈新人莫遣秋霜霏落葉辭故枝不寄別條上白日
無回光誰能不惆悵

雙桐生空井

雙桐生空井井空桐葉稀葉稀不自蔽鳳鳥將安歸雙桐生
空井井泥泉不出桐根日夜枯何由伐琴瑟

美女篇

南國有美女粲粲玉雪顏
眉目豔華月色映清秋
寒粉黛不敢浣佩服惟幽蘭
一朝備選擇得廁金宮班
貞心耻自銜望幸良獨難
况蒙衆女妬倩咲誰為歡
恒恐芳桂枝寂寞零露溥
素手發瑤琴冷冷奏孤鳶
官商合要妙遺響風珊珊
大音世罕識日暮空盤桓
安得託宵夢集君瑤臺端
相思不可極躑躅起長歎

王階怨

長門燈下淚滴作玉階苔
年年傍春雨一上苑墻來

秋思

梧桐生碧砌密葉暗金井
驚心昨夜月照見樓禽影

長門怨

白露下玉除風清月如練
坐看池上黃飛入昭陽殿

宛轉歌

星稀月白河闌干
飢蟲籲號莎草寒
美人望月歌宛轉
瀟湘水碧蒼梧遠
愁魂一夜不得歸
化作斷雲天際飛

長相思

長相思在沅湘
九疑之山鬱蒼蒼
青天蕩蕩林木暗
落日虎嘯風飛揚
欲往從之水無航
仲尼有德而不用
孟軻竟死於齊
梁松柏摧折桂生蠹
但見荆棘如山長
長相思斷人腸

雉子班

雉子班飛脩脩鳴嚶嚶跟跡出沒灌莽中袞裳煥爛頰瞳瞭
野人拄擘潛置媒和聲相應無驚猜黃間一發激流電錦綉
披裂委草萊林棲野啄本無累嗜欲沉溺禍所胎君不見天
池鳳凰食竹實逍遙至和永終日

朗月行

朗月何朧朧照我綺牕中牕中美人不能寐起看玉宇生秋
風秋風飄颻吹木末纖雲卷盡懸明月明月隨風出海來海
水蕩漾龍鱗開寒光噴浸碧落外白浪湧作金銀臺何處悲
風怨羌管誰家舞榭笙簧暖長信宮中漏水長昭陽殿裏更
籌短漏長更短總含情開窓坐視河漢傾廣寒宮在何處欲

往從之渺煙霧青雉汗漫不可期桂華如雪東方曙

大牆上蒿行

牆上蒿方春擢秀何芄芄炎天六月旱無雨枝葉枯死隨飄
風世情翻覆不可擬人生有身莫依倚君不見樊將軍一朝
函首西入秦又不見劉越石仰天長歌握中璧三士自殘因
二桃子胥終棄吳江濤世人見機苦不蚤何不看取牆上蒿

鷄鳴曲

日將出鷄先鳴千門萬戶聽鷄聲美人錦帳愁欲曙壯士苦
心煎百慮人間百年能幾日日日鷄鳴催日出一朝過了復
一朝白髮蕭蕭此生畢齊妃播淑德感彼蟲薨薨周宣悟姜

后功業光中興亦知國家共如此莫恠鷄鳴催早起

邯鄲才人嫁為厮養卒婦

邯鄲有才人豔色如朝霞嫁作厮養婦雲鬢埋泥沙憶昔趙
王全盛日夜夜綺筵張寶瑟中山美酒盈羽觴一啖黃金滿
千鎰繁華過眼如轉蓬故宮禾黍秋茫茫明珠白璧走函谷
墜簪遺珥空悲風人生寂苦是衰老白首無歸向誰道暮門
夜末月光寒卧聽鴛鴦枯草

出塞

君延風高榆葉空狼烟夜照甘泉宮將軍授鉞虎士怒蚩尤
巨天旗尾紅麒麟前殿催賜酒已覺此身非已有猛氣逞將

日逐吞壯心肯落嫖姚後鴈門城外沙如雪玉帳霜濃鉄衣
折長劔須披瀚海雲哀笳莫怨天邊月北風烈烈刁斗鳴回
看北斗南方明驚箭離弦車在坂不勒燕然終不返

入塞

狐裘蒙茸沙磧裏望見玉關驚且喜關門候吏記曾逢白髮
相看淚如水歸來放馬咸陽原舊遊今有幾人存斜陽慘淡
照籬落閑看鄰翁戲子孫

孤兒行

蓬頭駁足誰家兒滿面塵埃雙淚垂爺娘棄我不待老骨肉
無人但兄嫂兩身一氣不相知陌路茫茫向誰道清晨采薪

日入歸殘羨冷飯難充飢欲言問兄兄不顧嫂是他人更奚
訴人生一世為弟兄同根自合同枯榮爺娘在日曾眷戀願
兄回看死人面

病婦行

夫妻結髮期百年何意中路相棄捨小兒未識死別苦啞啞
向人猶索乳箱中探出黃金珥付與孤兒買餐餌不辭瞑目
歸黃泥泉下常聞兒夜啼低聲語郎情不了願郎早娶憐兒
小

淮南王

淮南王好神仙澄心鍊炁守自然收拾真一歸中圓化為五

色黃金丸乘風駕景飛上天飛上天逍遙遊八鸞捧轡龍翼
輶虹蜺繽紛夾綵旂上窺九陽下六幽回頭大笑武皇帝栢
梁桂館空清秋

蜀國弦

胡笳拍斷玄水結湘靈曲終斑竹裂為君更奏蜀國弦一彈
一聲飛上天蜀國周遭五千里峩眉岩岩連玉壘岷嶓出水
作大江地著天浮戒南紀舒為五色朝霞暉慘為虎豹嗥陰
霏翕為千嶂雲雨入噓為百里雷霆飛白鹽雪消春水滿谷
鳥相呼錦城暖巴姬倚歌漢女和楊柳壓橋花纂纂銅梁翠
氣通青蛉碧鷄啼落天上星山都號風寡孤泣杜鵑鳴咽愁

幽真商悲羽怒聽未了窮猿三聲巫峽曉瞿塘噴浪翻九淵
倒瀉流泉喧木杪樓頭仲宣羈旅客故鄉渺渺皆塵隔含悽
更聽蜀國音不待天明頭盡白

昔昔鹽

楊柳正萋萋門前碧草齊別離如昨日白髮滿春闈飄花蕪
淡落行雲逐望迷綠苔凝履跡粉汗浥書題夢到龍沙北鬼
銷馬邑西卷簾雙燕入開鏡一鸞啼腸共吳江繞眉將楚岫
低攀枝憐並蒂窺沼妬雙棲曜水寧無劍通天亦有犀那看
明月夜登樓感馬蹄

東飛伯勞歌

南飛鷓鴣北飛鵠黃昏鷓鴣白日燭珊瑚石上栽兔絲鴛鴦
獨宿枯桑枝未夜涼蟾入羅幕蟬翼不如秋鬢薄寒塘露蓮
千葉紅可憐零露空隨風

雙燕離

雙燕營巢時雙飛復雙語輕盈柳陌風振迅片塘雨巢成近
繡幃雙宿更雙飛為蒙主人愛不信有睽違四月溫風起榴
花發紅蓋拾蟲逐哺雛出入無停翦五月教雛飛繞巢舞烏
衣側避蛛絲過斜紫柳線歸六月雛翼老分飛各相保脉脉
傍珠簾依依集蘭繚世事有轉旋陵谷一朝遷昆明延劫火
甲第化歌煙帶睡驚飛出風沙兩相失死生不得知燕婉從

茲畢回看舊主人粉黛成灰塵天高塵渺渺海闊波鱗鱗在
再朝還暮惇惇向何處毛凋半夜霜淚滴三春露露寒霜又
濃憔悴不成容同心諒難隔魂魄終相從

烏棲曲

霜華着樹成秋蓋樹頭棲鳥驚夜起起向幽閨啼數聲閨中

美人泣到明

吳宮烏啼夜已分宮中不聞人盡聞夜深風落葉更子沉沉
漏斷啼鳥死

三洲曲

三洲洲上花柳春三洲浦裏多商人酒旗紅袖明江閣客舡

只望洲邊泊

八月風吹洲上樹樓舡却向江西去紅粧送別各沾巾驚動

新來江北人

武陵深行

武陵溪一何深水有射工射人影陸有丹蛇長百尋嗟哉武
谿不可臨溪之水深且闊鳥不敢飛龍不敢越海氣連天日
月昏崗露着人肌膚裂嗚呼丈夫寧能沙場百戰死有骨莫
葬武谿水

遠如期

遠如期近別尚云可遠期能不悲憶昔辭君出門去手種庭

前松栢樹樹今成器人未歸洞房白髮秋霏霏高原有梧隰
有檣待君北却山石下

大堤曲

大堤女兒顏如花大堤堤上無豪家東家女作西家婦夫能
棹舡文沽酒春去秋來年復年生歌死哭長相守君不見襄
陽女兒嫁荊州撞鍾擊鼓烹肥牛樓舡一去無回日紅淚空
隨江水流

明月子

朱閣綺疏瓊作戶明月照人秋獨苦桂花吹冷眠不成誰家
高樓絃管聲倚樓空望別離處唯有清光自來去月圓正好

缺復催人生見月能幾回

短歌行

來日苦短去日苦長日長不自覺日短令人傷君不見望後
月又不見霜中藍清光縱好魄已虧芳心欲動根先死少年
不知老可悲衰老却憶少年時

長安道

長安道送盡芳菲到枯槁人生衰盛苦不常何異長安道傷
草漢家將軍初拜官門前上客車班班一朝世衰烟燄歇車
輪無聲馬蹄絕明年有詔封冠軍依舊車馬來如雲

隴頭水

隴頭水征夫淚征夫之淚滴隴頭化為水入秦川流水流向
秦川嗚咽嗚不已何因得天風吹入君王耳

秋宵吟

玄蟬催秋入湘簾芙蓉露浴胭脂淡銅烏吻水添夜長碧草
歛愁歸寒螢羅帳無人五更兩梧桐驚啼白楊語春光爛熳
不得知霜露淒涼奈何汝

車遥遥

車遥遥馬竭竭不知何人始作車長與人間載離別回風吹
起羅帳塵低頭恨殺作車人

陽春歌

帝車東指淑景昭冶容冉冉生寒條枯根相顧一時起陽春
只在霜雪裏枝頭候禽鳴滑滑暖烟日夜催花發蜂喧蝶競
方及時風雨宿昔成離披人間但見陽春好未識春陽有枯
槁

鳴鴈行

嗷嗷鳴鴈鳴達旦舉翼相連拂雲漢平原漠漠生野烟鴈飛
只向江南天江南十月多禾黍一半輸官半供汝明年二月
歸養雛雖成又望江南去

獨不見

暖烟漾春林色紫膩雨摧紅出花蕊蝶飛撩亂燕飛輕嬰鳴

詞意何文集
卷十
相應俱有情有人抱瑟上高閣坐對粧臺彈別雀曲終顧影
還徘徊東風自吹羅帳開

梅花落

種梅長江邊歲晚花始發東風為愛桃與李却使孤芳坐銷
歇美人高樓深紫霞捲簾一見長嘆嗟世間有榮即有悴君
不見海中碧樹終無花

折楊柳

去年送君楊柳青暖風晴日花冥冥今日思君瑣窓綠柳條
又綴黃金粟君心却似條上花隨風飄蕩不思家妾心已作
科上槁縱得春光為誰好折取長條寄遠人人生四十無青

春

秋夜月

秋夜月黃金波照人哭照人歌人歌人哭月長好月缺月圓
人自老

棗下何纂纂行

棗初作花時纂纂臨路岐八月棗成實纂纂耀朝日棗花纂
蜂蝶翻棗實纂纂人滿園嚴風蕭瑟枯葉飛蜂蝶不來人
亦稀

白苧詞二首

鏗華鍾伐靈鼓青娥彈絲白苧舞文竿迎風雉振羽長袖奮

迅若雲舉博山霧合春濛濛玉缸搖火生長虹翠蕩紅翻如
夢中

暖香結暝嬌青春翠釵珠壓光照人鳳簫十二煙霧勻鴻鷺
燕嬌波龍鱗玉觴交飛酒如沼門外斜陽在林杪宮中沉沉
天未曉

蛺蝶行

軟芳晞露春鮮妍上有蛺蝶飛翩翩暖風扶暝撲天起翠重
紅輕迷欲死東園無花留不住相隨又過西園去沉沉斷夢
失韓憑却抱霜華怨秋曙

鈞天樂

君不見天穆之山二千仞天帝所以觴百靈三嬪不下兩龍
去九歌九辯歸杳冥我忽乘雲夢輕舉身騎二虹臂六羽指
揮開明闕帝閔環佩冷冷曳風雨明月照我足倒影搖雲端
參差紫鸞笙響晨瑤臺我欲聽之未敢前空中接引皆神
仙煙揮霧霍不可測翠葩金葉光相射鯨鍾虎簷鏗鴻濛撼
昆崙兮殷崆峒揚天桴兮伐洵鼓咸池波兮析木風遂升泰
階朝玉帝側身俯伏當瓊陛訊曰太極拆裂為乾坤紛紛枝
葉皆同根胡為妄主水火金木土自使激搏相熬煎臣聞三
皇前群物咸熙熙衆子戴一父皞皞無偏私忽然元氣自蕩
滴變換白黑分賢癡蚩尤與黃帝從此興戈矛流毒萬萬古

爭奪無時休骨肉自殘賊帝心至仁能不憂帝不答臣心迷風
師咆哮虎豹怒銀漢洶湧天鷄啼颯輪檄按三島過海水盡
是青玻璃神奔鬼恠陽驚起遺音颯颯猶在耳夢耶遊耶不
可知但見愁雲漠漠橫九疑

周小史

婉變周小童冶容敵花紅鮮雲委綠髮明星烟雙瞳采蘭澧
水湄挾彈長陵東擲果開春市卷衣媵金宮流盼溢華彩言
咲生芳風常恐秋露零瑤草成衰蓬食桃坐翻覆倩笑徒為
工繁華豈不好不知身所終吾聞濟川楫乃屬植鱗翁悠悠
萬世下德業光無窮

結襪子

昔有信陵君乃在大梁城親為貴介弟位冠諸侯卿傾家待
國士倒屣延豪英詣門謁朱亥虛左上侯嬴袖椎奪兵符救
趙蜚英聲河外走蒙鷺宗社賴扶傾于今不可見寂寞傷人
情

拔蒲三首

拔蒲清川渚水淺蒲不長自非排風羽莫羨凌雲翔

拔蒲江水湄終日不盈把嬾殺紫鴛鴦雙戲蒲葉下

拔蒲復拔蒲織作波紋篔無處寄相思秋風露蓮淡

從軍五更轉

一更戍鼓鳴市上斷人聲風吹鴻鴈過憶弟復思兄
二更月上城照見兜鍪光側身望山川淅落百千行
三更悲風起樹上烏鵲鳴枕戈不能眠荷戈繞城行
四更城上寒刁斗鳴不歇披衣出戶視太白光如月
五更星斗稀霜葉光爛爛健兒爭先起拂拭寶刀看

前有尊酒行

前有尊酒芳以飴舉杯欲飲且置之丈夫有志可帥氣胡為
受此翹孽欺禹惡旨酒而玄德上達桀作酒池而南巢是蔡
商辛惡來以白日為夜糟丘肉林相枕藉瑤臺倏忽成灰塵
流毒猶且遷殷民夫差酗而納施楚國酣而放屈姑蘇臺上

麋鹿遊鄴郢宮中狐兔出灌夫罵坐禍延魏其竹林稱賢神
州疾藜亡家破國有如此酒有何好而嗜之前有尊酒釀以
清酌之白日成晦冥眼花耳熱亂言語元氣耗斲肝膽傾乃
知酒是喪身物衛武之戒所以垂休聲

公無渡河

丈夫不愛死成仁心所安殞身苟無故哀哉徒自殘水能殺
人人共知公獨茫然狂以癡黃河渺渺無津涯乃欲絕流而
渡之公也溺死人誰悲世路如何險惡實多平地倏忽滔天
風波利溘欲餌孰知其他不見不聞縱橫網羅固不必如公
之癡可堪以魚中之鰓亦不必如公之狂可禽以伏甲之觴

眼前言咲百媚出寧知兵刃羅心腸公無渡河河無津筮篋
一曲愁殺人

隔谷歌

戰鼓咽悲風弓折不可把弟兄隔谷不相聞咫尺人間與泉
下丈夫誓許國殺身非所憐兩心本一氣何能坐相捐登埤
四顧望慨慷肝膽裂不見救兵來但見繞城鐵甲光如雪飛
禽在羅罔尚或念其飢身為高官馬食粟忍見手足居重圍
相彼鴻與鴈亦各顧匹儔挽弓射一猿群猿拔箭聲啾啾鳥
獸且有情人心獨何尤嗚呼田家紫荊雖微木不忍聽君歌

隔谷

步虛詞五首

太微啓靈宇紫殿含祥風圓光照無外梵炁來冲融仙人魚
鱗次羽葆朝當中離羅鬱蕭臺縹緲浮太蒙泰階平六符文
昌位三公北斗運元化軒轅成歲功稽首玉陛下逍遙樂無
窮

鬱華開赤殿結鄰炫黃文歲雜爛霄漢照曜下土墳東華蹕
嚴駕西崦泮昏氛神行蕭臺臺象化陶醺醺景風調垓北玉
燭煥烟煜冥茫密勿間歛忽幽朗分萬靈仰無私九真告成
勳

重陽裁寶闕衆星拱高垣寥寥太虛庭巍巍無極尊白帟伏

右駢青龍承左轅玄武後躩踞長離前騰騫黃靈正當居萬
有歸一元希微眇梯粟浩蕩弥乾坤高卑各奠位神化無窮
源

步虛歸太一精心覲樞庭浮浮回極運湛湛規中清五神謹
訶衛六位肅救寧東溟升陽曜西海生陰靈炎光燿玄室湧
醴液朱陵馭馮羸穢除綿綿淳粹凝妙用無邊方攝身遊帝
青

焚香禮玄梵肅駕朝紫宸游雲結華蓋鮮颺翼飛輪披煙上
閣道佩月攀鉤陳服食丹霞漿嗽嚙甘露津琅琅歌洞童察
感虛皇嘖飄飄飄廣莫風舒嘯青林春沆瀣六合外未與無始

隣

氣出唱

今日不樂振策遠遊東上泰山巍何脩脩道逢仙人要我同
仇蒸霞為糧烹玉為羞蓋玄英素糝光華蔓流日覩齒齒葩華
九州令我從之身輕若淨道以五鸞翼以兩虬朝翔玄圃夕
止蓬丘謁見王母雲眉月眸青娥三千或舞或謳風吹琅玕
聲如鳴球雜花並開莫知春秋洪崖先生勸我此留自揣凡
骨非仙者傳七情交煎一觸百抽又病懣僻無藥可瘳崇崇
清宮蕩無涯輒列仙如沙不少一漚王母咲聽拜謝扣頭歸
來山林曷標曷鉤熙熙泰和長樂無憂

班婕妤

昭陽秋清月如練
笙歌嘈嘈夜開宴
長信宮中辭輦人
獨倚西風詠紈扇
傾城自古有褒姒
紅顏失寵何須怨
冷冷玉漏掩重門
一點金釭照書卷

神絃曲

紫桂飄香九萬里
三山地色如凝水
水妃骨冷不能眠
金簪素指敲冰絃
泠泠玉泉滴貝闕
閨壑發蛟泣幽碧
青瞳小髻歌繁霜
飛風起江低昂
瞳矐紫燄出海樹
天清月落空相望

短歌行

涼風西來天氣清
雲飛水落山崢嶸
髮膚剝削稜骨生
鮮芳菸悒成枯莖
百蟲哀號百竅鳴
凡有形色皆不平
成之孔艱壤厥輕
羈人含愁起夜行
列星滿天河漢橫
繁魚攢心劇五兵
天高何由達其情
歸來託夢通精誠

長歌行

秋夜夜長月照軒
夢見天神與我言
曜靈循環周四垣
四時迭代成寒溫
枯榮生殺相為根
我於萬物何怨恩
生丁其時命所存
六淫洶湧無鍵關
由其弗約離其魂
春葩敷披夏實繁
外美中瘁誰能捫
風霜涸寒肅不騫
納華狀真歸本元
掃滌浮穢夫何寃
我今語女開女昏
生生殺殺無窮源
歛女貞

蓄守女門扶桑赫赫升朝暎

燕歌行

霜飛動地燕草凋沙飛石走天蕭條江河倒影陵谷搖白日
慘淡晝為宵美人迢迢隔雲霄青冥無梯海無橋魚枯鴈死
星芒消沉沉思君不自廖愁如驚風鼓春潮歲云暮矣山寂
寥梧桐葉落空乾條崑崙層城阻且遼蒼梧九疑煙霧遙瓊
田瑶草芟薊蕘江離澤蘭成艾蕭登高望遠肝肺焦安得羽
翼搏長飈

江南弄七首

江南細水細綺波江南絲女雛鳳歌
疑嘖引睇紆青蛾紆青

蛾舒窈窕網軒綉戶鎖嬌春不放杜鵑來木杪
雄龍呼雌江底鳴山搖谷殷江波驚餘音不斷隨風征隨風
征入湘竹截玉鑽星吹向天楚江六月無炎燠

湖波澄明日色鮮畫鷁相隨出采蓮嬌紅曼綠鬪春妍
妍倚徘徊今朝花盡且歸去明日更有新花開

河曲懸匏渭濱竹碧鮮削出藍田玉輕翎參差飛羽謾飛羽
謾幽簧含丹櫻瑤筍調清吹月明紫鳳來穆穆

采菱女子木蘭船翠裙紅袖青玉鈿搖光蕩影惜嬋娟
娟惜嬋娟愁夕暉按蒲歌斷鯉魚入歸去芰荷香滿衣

江草萋萋春渺渺江臯出遊多窈窕輕霞衣裳碧雲嬌碧雲

媚紅日斜鴛鴦飛過綠渚去東風吹落菖蒲花
巫山峩峩巫峽長瑤姬出舞朝雲翔翠葩嫵媚金支光金支
光丹葉絕寶鷄為使鳳為驂去雨來風樂無極

步出夏門行

步出夏門遙望滄海九河茫茫碣石安在魚龍漫漶日月晦
藹三山何所弱水浼浼羲和曷往鼇極孰宰發鳩之羽其心
不改安期不死桃實可待悠哉沛乎歌以永慨

丹霞蔽日行

彤霞何煌煌蔽此白日色炎埃被九野照灼后土赤朱陵開
火府燿爛相蕩射山蒸絳紅氣川瀉丹砂液穹玄夏光曜衆

草相烜赫迥迷河林蒨高奪昆侖碧鬱華不能神駿鳥已化
媿女媧在青天歲莫還鍊石

鳥生八九子

樹上鳥一生八九子相呼啞啞聒人耳何不學啣泥燕和鳴
集桃李又不學鷹與隼奮翅高飛碧雲裏胡為巢此庭樹間
啄腐吞腥饜吻觜少年挾彈如流星禍機潛發不見形翅翎
權折身首磔螻螳傷殘誰女惜

猛虎行

君不見昔者牛哀病七日化作猛虎形躩踞衣裳佩帶換毛
尾棄置衽席眠茅茨怒牙出吻目閃電頃刻不識妻與兒昨

日燈前相咲語豈意今朝化為扁鳴呼世上茫茫化庸人祇
應化心不化身

行路難二首

君不見水上漸往來倏忽隨波移又不見花上蜂東枝飄落
尋西枝世人食葵不食蕒莫倚結交心匪石君不見避席武
安人即是當年竇家客

君不見白日光不照幽草心又不見石上雲層寸遂成陰世
間會合良難得况有巧言能爍金伏波稟英魏碑仆當時豈
是非知音智謀啓疑忠逆耳平地反掌生崎嶇行路難愁最
深

野田黃雀行

野田雀嗚嗚朝食山下禾暮食山上粟千百為群叢薄裏
忽然驚飛若蜂起飛飛却落稻田中衆口齊啄稻為空農夫
力田望秋至沐雨梳風盡勞瘁王租未了私債多况復尔輩
頻經過野田雀鷹隼高翔不汝擊農夫田父愁何極

何當行

念離莫悲歌悲歌慙於哭思鄉莫望遠望遠傷心目九疑迢
迢隔湘川空山落日啼杜鵑梧桐摧折鳳凰去蛟蜃出沒波
滔天令我四顧心茫然淚如懸崖瀉流泉樊桐有路到玄圃
何當飛墮王母前

射虎詞

長戈如林夾弓弩言向深山射猛虜
獠兒蒙鶻走如風所過
犬羊皆為空紛紛散入人家宿
丁男上山婦女哭前行聞虜
心先畏一虜當頭萬夫棄
折弓墜刃委如土却向人前作威
武

苦執行

雞不可使守門狗不可使司晨
驅車梁弱水日暮空悲辛
我欲乘風謁閻闔
闔虹蜺弥天雲霧合九關
虜豹森駭人長跪陳辭
闔不荅錯石作璣璠
鬼神驚見欺截梁為構
櫃般垂拊膺淚交頤
衝風結玄水道惡不可履
巫咸上天去澤凍神蒼死

我欲竟此曲此曲多苦聲
鴻鴈向天北因之寄遐情

起夜來

微月就沒銀河爛城烏啞
夜將半憂愁不寐攬衣起
仰看明星坐待旦威弧歷
落連天狼兩旗欲動風不揚
槐根王侯夢未覺豈知雞聲
堪斷腸

長相思

長相思妾在天南君在北
紅顏未必無人知
葑菲不羨君王食
相思迢迢隔天河
長夜不眠愁奈何
欲憑魂夢到君所
君門九重
廂豹多長相思
向誰道涼風日夕吹
桂枝可惜馨香暗
中老

無愁果有愁曲

君不見陳家天子春茫茫後庭玉樹凝冷光樓船江上走龍
陣宮中只報平安信酒波艷艷蒸粉香暖翠烘烟妬嬌鬢無
愁老夫貂鼠裘降旗搖動臺城秋生綃束縛檻車去始信人
間果有愁

妾安所居

憶昔嫁君時紅顏豔春華今與君別離明珠化為沙女兒嫁
夫願偕老何異青菘纏蔓草一枝一葉俱有心生死長當兩
縈抱誰言妾心君不知芳蘭委棄同蒺藜妾欲有言君不見
君車遙遙妾空戀君家大宅荒路隅可憐棄妾安所居

放歌行

鴻鵠搏紫霄鸚鵡守苞桑豈惟異所志羽翼有短長玄陰變
白晝閭虛侵太陽一鹿走中原熊虎競騰驤植竿成壘壁聚
袂為挽槍叱咤倒江河蹴蹋摧山岡犬牙據險要瓜瓣割土
疆六竒誇曲逆三略稱子房磨牙各有伺裂膚遥相望龍蛇
未分明智力正爭強孔明魚得水毛遂錐脫囊霧晦豹始變
海激鵬乃翔嗟爾獨何為抱已自摧藏

鴈門太守行

赤符復漢祚褒德先侯封陽燿燭發燄霜隄山鳴鍾馴雉集
中牟乳虎去弘農抱鼓夜無聲桑陰麥芄花循良一何多謠

歌滿兒童賢哉洛陽令卓魯相繼蹤
擿姦若明神外猛中有容正獄除煩苛
平賦寬畸窮黎民拜恩惠吏卒服至公
身歿德不墮絃歌祠廟崇望美安陽
亭頑懦興廉風彼哉肉食者輿馬愧
盲聾

豔歌行

亭亭松柏樹結根幽澗隈高標拂雲日
直幹排風雷曾經匠石頑謂是梁棟材
明堂未構架厚地深栽培熒星入天闕
武庫一朝災搜求到櫟樸谷赤山城垓
般爾死無人鈎繩付輿臺路阻莫自致
棄之于草萊天寒斧斤集歲莫空摧頽
三光無偏照四氣有還迴斷喪在湏臾
成長何艱哉孰知真宰意

悵望使心哀

門有車馬客行

門有車馬客云是故鄉人執手前借問鄉語
知情真自云別故鄉觀光京國塵經商涉代
北薄宦徃西秦繡鳳錦鴛鴦金鞍紫騏驎
結交貴公卿出入擁衆賓劇孟氣方銳郭
解家不貧但見三春花寧思秋露晨斷蓬
失其根風沙歛漂淪前途塞虎狼故里荒
荆榛昔為橫海鯨今為涸轍鱗話言未及竟
涕淚各盈巾居家倚骨肉出家倚交親何當
在異縣見此舊里鄰園蔬如蜜甘市酒若醴
醇悲歡且棄置生死同苦辛短歌有深情
情深難具陳

煌煌京洛行

齊謳且輟唱吳趨亦停聲請君傾耳聽聽我歌洛京京洛何
煌煌卜宅自周王五服畫九州茲為土中央用文四戰地恃
德不恃強叔世道雖微靈源瀉流長漢祖殪秦項定都子房
馬上得天下繼周焉敢當光武起白水龍飛掃挽捨應天順
民心戡暴安殘傷冕旒王宸極圭組崇俊良功臣列爵土循
吏勸畊桑詔書報滅馬玉關閉西羗周嚴播高風卓魯樹甘
棠廷無乳廟伏邑有馴雉翔涓涓醴泉液燁燁朱草芳繼體
更賢能守成不踰常南郊尊上帝宗祀親明堂辟雍養耆德
靈臺觀祲祥南宮畫元勳東觀昭文章詩書母后訓淫侈蕃

封防百年天再闢四帝日重光傾晷自滿盈宴安生怠荒刑
官竊威柄義士死道旁纍積千里草禍成一星黃大命始不
摯餘暉尚悠揚典午亦有初言治稱太康用人混哲不孽芽
出蕭牆兄弟相啖食同氣成豺狼金墉豈不固清談漫洋洋
妖星入太極胡雛登御床銅駝荆棘沒寢廟狐狸藏落日照
西城寒雲歸北邙轆轤無人行伊洛廣且長衰榮若且暮道
德信金湯殷勤京洛篇厥鑒不可忘

升天行

太儀轉神樞日月飛兩丸榮華如電火瞬息無留顏誰能與
螭蛄爭鳴秋草間中夜集五靈步虛歛天閤擺脫塵土累廓

落真境寬玉髓充晚食瓊霞足晨餐妙合五色光化為九轉
丹洞朗照無極道遙出人寰象載六蒼虬翼以雙紫鸞濯足
北河津弭節蓬萊山伶倫歌九韶眉連舞七盤浮丘吹參差
宓妃鳴佩環娛樂竟日夕還歸玉宸班

長安有狹邪行

大道坦蕩蕩狹路能摧車大道少人行狹路爭走趨狹路險
以捷大道平而迂所以狹路間疊足不憚劬增峻磨為光穴
坳輾成渠峻滑無澁踵攀緣有牽裾駟驪踈蹄蹠僕從頰肩
呼清霜晨入袂白霧夜沾襦擾擾極追奔營營競須臾窮通
乃定命得喪豈異途君子遵義路詭御非吾驅戒趾禍難悔

素履戒勿踰那能慟阮籍何用泣揚朱長安有狹邪雖捷焉
所如

飛龍引

軒轅黃帝上天時五龍垂鬣下接之後宮綵女咸相隨雲輕
龍健不可追綵女化作黃金芝千年一作花花光五色明朝
霞扶踈蔭映玉皇家沉精降液為丹砂鍊丹砂成水銀水銀
流汞浴火輪火輪照曜十二辰黃龍歸來天帝真

春思

憶昔東風入芳草柳綠花紅看總好今日風吹陌上塵鴛啼
燕語俱傷神憂來感人淚沾臆未必春光不如昔

靜夜思

靜夜思一思腸百轉啼螿當戶聽不聞明月在庭看不見方
將入海朝猛蛟復欲度嶺邀飛猱胸中倏忽亂憂喜得喪紛
紛竟何是靜夜思思無窮天雞一聲海日紅滿頭白髮吹秋
風

華山畿

華山畿勞渚割棄父母恩相隨黃泉去男婚女嫁當及時
標梅不見周南詩王風蕩蕩散荆棘惟薄日夕生狂癡當歌
悵然有所思華山畿何足悲

冬暖行

孟冬十月暖桃李花盛開胡蝶草間出飛上花枝來蝶知愛
花為花出不知冬暖無多日霜風一夕花作塵墜粉飄黃愁
殺人

節婦吟

凄切復凄切綠萍初生池水竭蘭根壓霜茅不茁春風冷冷
逐秋月蓼蟲食苦甘如酒卷菘雖生心已朽楊州青鏡蝕土
花玉匣瓊臺復何有君不見人間日月如飛梭地下相從應
始多

登高丘而望遠海

登高丘望遠海長風簸浪高於山蓬萊宮闕無光采雲霧翳

陽谷羲和安所之鯨鯢作隊行鱗鬣如朱旗精衛啣石空有心口角流血天不知登高丘望遠海弱水浩蕩不可航一望令人玄髮改

江上曲

江上風吹沙石走江中濤浪如牛吼鄂君繡被寒無香江水不如殘夜長

北風行

城外蕭蕭北風起城上健兒吹落耳將軍玉帳貂鼠衣手持酒盃看雪飛

銅爵墓

高臺突兀連蒼穹中有艷質如花紅君王已作西陵土總帷王座空秋風向陵舞罷寒月白蒼狐夜啼松淚滴冢中枯骨寧有知翠袖珠袍為誰色當其奮臂譙許間手揮群雄如刈菅橫矛賦詩逞豪傑猛氣可以移南山寧知暮年壯心死遺教但聞令賣履啼噓涕泣鬼女態遺身至今猶未已君不見永安宮中顧命時天下英雄人得知

薤露歌

蜀琴且勿彈齊竿且莫吹四筵並寂聽聽我薤露詩昨日七尺軀今日為死屍親戚空滿堂魂氣安所之金玉素所愛棄捐篋笥中佩服素所愛淒涼掛悲風妻妾素所愛洒淚空房

龍賓客素所愛分散各西東
讎者自相快親者自相悲有耳
不復聞有目不復窺譬彼燭上火一滅無光輝譬彼空中雲
散去絕餘姿人生無百歲百歲復如何誰能將兩手挽彼東
逝波古來英雄士俱已歸山阿有酒且盡歡聽我薤露歌

沐浴子

沐髮不如清神浴身不如洗心仁義非外鑠冶容防內淫
登山望漢京樓觀蔚嶽峯軒車擁衡禹几杖尊雄啟著書擬周
孔吐論躋騫參青衿來濟濟白日去駸駸驅車泗水曲攬轡
長淮陰悠悠黃石畧杳杳天風吟盛時不可再感歎為沾襟

秋閨曲

天上傷心月秋來情更親那能照幽獨不照遠行人

蓮塘曲

落日下蓮塘輕舟赴晚涼偶然花片落飛出兩鴛鴦

高里曲 王首

澗草萋萋泉汨汨紫蘭香老棠梨發山中無人松栢裏卧聽

狐狸嘯明月

白楊樹頭風惻惻寒鳥悲啼山月黑殯宮冷落清夜長銀鴨

金鳧不堪食

山花冥冥啼子規鳥銜紙錢掛花枝山中遊人莫相咲君到
此中當自知

促織詞

草間小蟲名促織夜夜隔窓鳴不息小兒側足潛聽聲雕籠
鏡柵閉爾形金錢縱開爭相妬得勝轉多尙轉固高秋九月
嚴霜飛開籠却放枯蔓歸舊穴無蹤故帷去生死淒涼向何
處

銜泥燕

銜泥燕尾涎涎銜泥點汚几席間更捉飛蟲撲人面銜泥燕
人言爾巢長滿尺主人倉廩多蓄積借爾華屋好安居年年
壘巢生爾雛

秋思二首

蕙草芳已歇候蟲寒不鳴相知惟白髮日夜蒲頭生
露出階苔光風生庭樹冷推窓掩明月不忍見孤影

寒夜曲

蟾車軋露迷圓景金井輓轆僵素綆孤鸞叫破海天雲嫦娥
淚滴方諸冷十二樓開春醉醒千年斷石生曾青林霏散漫
紫府曙白沙黃葛空殘螢

古鏡詞并序

金陵武生於勾曲野人得古墓中鏡李桓先生辨其款製
燕石上有元康年字定其為漢時物今雖不能灼見其非
晉而漢然其來之不近則明矣

百鍊青銅曾照膽千年土蝕萍花厯想得玄宮初閉時金精
夜哭黃鳥悲魚燈引魂開地府夜夜晶光射幽戶盤龍隱見
自有神神物首肯長湮淪願借蟾蜍騎入月將與嫦娥照華
髮

琅琊王歌四首

駿馬須好鞍彊弓須勁箭將軍不知兵健兒空自健
香羅金縷衣采花弄春暉花高折不得空步綠莎歸
出門無情親大道行亦窄寄與遠遊人足貧勝為客
四通八達琅琊道快馬如龍踏烟草草萋萋煙漠漠陌頭風
起桃花落

長相思四首

長相思在瀛洲蓬萊之山忽沉浮弱水無風亦倒流鯨魚一
吸吞九牛旋淵呀呷鳴其喉青鳥飛去天悠悠嗟我欲往徒
離憂

長相思在蒼梧九疑愁雲隔明都湘神淚滴湘水枯冥冥霧
雨啼短狐楓林沉陰天色晡鳳皇不食鴟鴞呼嗟我欲往空
長吁

長相思在昆侖黃河怒浪訇天門天開石裂龍奔羲和縣
車光未燉岷峨雲埋蜀帝魂流沙千仞沉輻輳嗟我欲往難
窮源

長相思在玄冥寒門六月天雨水天閑凍折天柱傾女媧鍊
石楠未成石鱗迸落如流星龜蛇上訴愁帝青嗟我欲徃勞
心形

殘絲曲

玉樓十二春如綺日暖清池躍魴鯉空閨無處着柔情夢逐
殘絲撲天起天南河漢天西流豈知少年能白頭便喚姮娥
栽桂樹花時相約月中遊

拜新月

月生花始開月圓花漸落花開人少年花落人可憐女兒拜
新月望圓不望缺未圓望不休既圓應更愁

自君之出矣

自君之出矣雲鬢愁不結思君如韉轡倏忽心百轉

美人燒香詞

翡翠釵梁雲作葉膩紅深暈桃花頰玉奴纖手捲蝦鬚繡羅
襪小不勝扶低頭背人整裙帶神前獨自深深拜翠袖輕迴
香霧分細語悠悠聽不聞門外遊人空駐馬冥冥白日西山
下

築城詞

君不見杭州無城賊直入台州有城賊不入重門擊柝自古
來而况四郊多警急愚民莫可與慮始見說築城俱不喜一

朝城成不可踰挈家却向城中居寄語築城人城高固自好
更須足食仍足兵不然劔閣潼關且難保獨不念至元延祐
年天下無城亦不盜

畦桑詞

編竹為籬更栽刺高門大寫畦桑字縣官要備六事忙村村
巷巷催畦桑桑畦有增不可減准備上司來計點新官下馬
舊官行牌上却改新官名君不見古人樹桑在墻下五十衣
帛無凍者今日路傍桑滿畦茅屋苦寒中夜啼

買馬詞

驛官亭鼓鼓發打驛使星馳買官馬府官奔走群吏趨呵叱

縣官如使奴一時立限限鄉役馬價頃增無處覓賣田買馬
來納官買時辛苦納時難縣官定價府官減驛驢也作駑駘
看歸來拊膺向隅泣門前索錢風火急

神祠曲

路傍古廟壁半斜雨滴香案堆坭沙槎牙死樹當道卧樹上
紙錢猶未化春秋祭祀知幾時烏鴉得食號相隨人人歡喜
得好玃低昂拜跪山花飛寧知禍發在旦夕空村無煙唯瓦
礫廟傍烏鴉亦不來獨留土偶眠蒼苔

雨雪曲

北風吹塵沙雨雪日夜深三足之烏毛毳飛不遠白晝慘淡

成幽陰青天冥冥不可覩水有罔象路有虎平民避亂入山
谷編蓬作屋無環堵回看故里盡荆榛野鳥爭食聲怒嗔盜
賊官軍齊劫掠去住無所容其身嗚呼彼蒼何日回春陽北
風雨雪斷人腸

苦寒行

去年苦寒猶自可今年苦寒愁殺我去年苦寒凍裂唇猶有
草茅堪蔽身今年苦寒凍入髓妻啼子哭空山裏空山日夜
望官軍燕領虎頭聞不聞

遠客歎雨

遠客暮年筋力寡入門無家出無馬冷風一夜雨瀟瀟平明

道上泥沒腰竈下濕薪不生火敲冰取水指欲墮僕夫怨怒
呼不前終日忍飢掩關坐憂米傷心令髮白人生百身莫為
客

久別離

久別離別時小兒未解語今日踉蹌庭下來向人問爺淚如
雨兒知有爺未曾識爺有母在愁何極明庭不奏采薇詩久
別離當語誰

苦熱行二首

南風吹雲不成澤朝霞暮霞山谷赤赤松羽人潛大荒火府
朱陵氣相射蜚廉翅貼不能奮萍篔眼枯口流液遠客魂銷

畏締絡

憶昔伏波南伐時
穿岸為官避炎氣
青草茫茫起瘴烟
吹蟲含沙總堪畏
人生惜死非男兒
但有馬革可裹屍
武陵之曲何傷悲

梁甫吟送鄭希道入京

老翁生長平原里
但見平原路如砥
謂言路平無嶮巇
車輪不摧馬如飛
今日驅車上梁甫
回頭却憶平原路
梁甫吟愁我心

望遠行俟後舟不至作

望遠行日日望來腸
欲斷數遍南風下水船
愁中白日偏難

晚順風順水不易得
欲去又愁來者遠
望遠行一望令人白髮生

女兒割股詞為徐勉之作

女兒少小幽閨裏
深掩重簾學針指
施朱傅粉有母憐
一朝無母將焉恃
青燈背壁月當戶
峴山之禽夜啼苦
卅元訴天天為愁
淚洒長河作飛雨
嗟兒與母同為身
母子分離何苦辛
抽刀割股股不血
七念自感皇穹仁
吾聞孝慈出天性
人心至誠天必聽
兒股有肉母所育
母生兒死兒亦足

巴陵女子行

巴陵女子天下奇
石作心肝冰作脾
生平見義不見己
投淚

恨殺襄陽兒臨終裂素寫怨語生氣猶能起風雨君不見虎符繫頸東海橋令人愧死巴陵女

秦女休行

秦家女兒美且都齒如編貝唇如朱有生不幸遭亂世弱肉強食官無誅兄朝出門暮不返家人悵望空倚閨女休聞之肝膽裂奮臂不惜千金軀援矛一擲白日戚仇血上濺天糶糊市人驚譟塵土沸邏卒奔走馳金吾有心殺人寧惜死顧謂女吏何其愚嫚法長姦誰所致舍生得義吾何遺精誠通天為惻赦書一夕來宸極路旁觀者咸歎嗟女休出門無喜色君不見景升本初之子空是男亡家破國令人慙

蠻中歌二首

小兒負薪早已歸大兒采螺厓不回海上檣竿齊入浦山頭雲起颶風來

祝融廟前稻欲齊椰子如瓠壓枝低烏鴉亂叫祭鬼罷枕榔樹裏鷓鴣啼

閩詞六首

戎馬関山隔空闌鬢髮華將何寄消息江樹總無花
昨夜三更夢分明見所思覺來驚枕席心跡兩相疑
塞鴈南還北江湖西復東佳人不可見霜雪萬山空
剔却燈花盡從教污翠鈿幾回虛報喜誤妾不成眠

小小雛渠鳥雙雙入畫樓樓中人怨別愛爾不知愁
欲寄音書去書成乏便郵持書上樓望淚洒鷓鴣裘

烏啼曲

可恠烏鴉鳥鳴聲不喜人如何好彊聒故博主人嗔

五雜俎

五雜俎原上翻往復還小販客不得已溥沲麥

五雜俎百衲衣往復還燕雙飛不得已賦式微

五雜俎市賣果往復還郵傳馬不得已死垓下

春江曲

江上風帆日日歸獨自狂夫音信稀無因化作鷓鴣鳥隨着

郎舡到處飛

公子行

王勒金鞍照地光馳裘珠帽繡文章平明上馬歸來醉他日

清朝作棟梁

仙人詞

三首

玉府仙人冰雪姿生來卽遣侍瑤池五雲隔斷塵凡路說着
人間總不知

上帝宸居儼蕭森九闕兩豹立崑崙群龍自有三珠樹不見
扶桑水淺深

東海鯨鯢白晝游南溟風浪湧吞舟三山亦在滄波裏自是

神仙未解愁

黃鵠曲

黃鵠雙飛中路分
開山風雪隴頭雲
雲深雪暗知何處
哀叫声声天上聞

吳歌五首

儂做春花正少年
郎做白日在青天
白日在天光在地
百花誰不願郎憐

承郎顧盼感郎憐
準擬歡娛到百年
明月比心花比面
花容美滿月團圓

便道逢春花合開
誰知穠豔有人猜
山鷄不入家鷄侶
野果

雜同園果栽

蛾眉二八不曾愁
有色無媒郎不留
月裏蟾蜍推落地
幾時再得廣寒遊

栽花圖作看花人
誰料花開不及春
昨夜狂風今夜雨
為花落得兩眉顰

采蓮歌六首

十三女兒白似脂
向人學得做嬌癡
折得白蓮頭上插
苧羅山下賽西施

十五女兒花正開
隨群逐伴采花回
濃粧比似花嬌艷
引得黃蜂隊隊來

采得紅蓮愛白蓮雙橈快轉怕人先爭知要緊翻成慢菱葉
中間絆却船

芍藥爭春銜彩霞芙蓉秋盡却榮華有色有香兼有實百花
都不似蓮花

女伴相隨出芰荷並船比較采蓮多擡頭忽見遊人過權入
菰蒲水拍波

晚涼風定却回船望見新月在天邊放下荷花深深拜翻身
忙整翠花鈿

竹枝歌 十二首

人間日月去如梭快活無多辛苦多欲識江南古來意請君

聽唱竹枝歌

相思無益莫相思贏得霜髯換黑髭明月自圓還自缺蚌胎
瘦減有誰知

陽臺雲雨漫荒唐巫峽啼猿在斷腸莫向蒼梧山下去九疑
愁色滿瀟湘

瀟湘江水接天河第一傷心是汨羅斑竹岡頭蘭蕙死黃茅
籠上艾蒿多

榮華未必是榮華園裏甜瓜生苦瓜記得水邊枯楠樹也曾
發葉吐鮮花

若要開花須護持花枝怕雨怕風吹抽條結葢千辛苦糝土

埋苔一霎時

彎彎月子似簾鈎掛在梧桐樹上頭月裏姮娥知何處人間
離別未為愁

昨夜星光照濕泥五更依舊雨淒淒懊惱人心難測度說道
東方却在西

杜鵑花開不着忙石蓮花落却恹惶壚頭酒盡休懸望裁衣
無尺莫思量

莫見乾藤道是香莫見白石道是羊布帘賣酒齊誇好甜辣
須還到口嘗

龜鼉在水廂在山登山入水早防閑別有一般真叵耐蝦蟆

生在月中間

望帝無端化羽毛無朝無暮口嘈嘈見說天高三萬里吻乾
舌出也徒勞

江南曲七首

江北垂楊未爆芽江南水綠萬重花北人盡道江南好江南
纔到便為家

金陵好是帝王州城下秦淮水北流惆悵江南舊花月女兒
畫作北歌謳

洞庭湖色碧於藍瀟湘日融花欲酣黃雀樓中留醉客懶人
天氣是江南

錢唐勝地作南都
統綺如雲隘廣途
想得燕山風雪夜
斷魂相語怨西湖

桃葉渡頭春水平
莫教城上曉鶯聲
中原無限英雄淚
併入江南送別情

無情白日去如梭
有限青春可奈何
江北風沙人住少
江南秔稻鴈來多

生長吳儂不記春
鄉音旋改踏京塵
頭小妓相偎坐
衆裏矜誇是北人

前溪曲

前溪送別溪水滿
石楠花落蒲芽短
春風無情看復秋
莫學

落花隨水流

長門怨

不學周南詠小星
空悲玉殿鎖娉婷
黃金漫買相如賦
猶勝無辜送掖庭

山鷓鴣六首

女兒未始會穿針
將去高麗學語音
教得新雀鷓鴣曲
一聲淮擬直千金

鷓鴣能言百鳥驚
鷓鴣叫噪阻人行
珊瑚軟語呈嬌媚
不似班鳩得拙名

溪深不比海子深
一物從來有一心
野鳧趕魚溪上去
鷓鴣

飛過野鳧沉
黃茅壠上雨和泥
苦竹岡頭日色低
自是行人行不得
莫教空恨鷓鴣啼

鷓鴣元是嶺南音
嶺北無人識
此禽南人唱歌過嶺去
北人相向淚沾襟

山禽一處一般聲
不是鄉音便動情
多是江南子規鳥
天津橋上對人鳴

不學周浣紗女
三首
悲王嫫
難教黃金買
昧咬越前
嫫嫫腰肢玉一圍
妬妬紅嬌綠
恣春暉
莫教名字傳官掖
終遣詩人刺綠衣

卧薪終夜泣
孤臣落月飛霜幾度春
能使姑蘇聚麋鹿
誰知却是浣紗人

雙帶子 四首

嫁時雙帶綉
騏驎翠葉金
花色色新寧
教塵匣蒙蛛網不肯
將來別贈人

結得同心欲寄郎
還將雙帶刺鴛芙蓉
殷勤祝付西歸燕
一紙書緘淚兩行

合歡雙帶繡蜻蜓
一度看來一淚零
雪裏芭蕉心長在
春來不改舊時青

莫言長夜便無明
莫道離鸞不合并
天上星辰能化石
黃河

千歲也還清

雞鳴曲 二首

霜飛月落天崢嶸
咿咿啾啾雞鳴龍蛇雜
還寰海沸誰知此聲非惡聲

莫厭晨鷄相應啼
中原千里絕晨雞
一匡自是無管仲
坐談不用誇曾西

塞姑 二首

苦沒行蹤草沒堤
滿簾紅日一鷺啼
天涯那得真消息
不敢逢人問磧西

腸斷龍沙信不通
夢中長怕醒時空
夜來忽得榆關報
却憶

傳聞是夢中

滿篋衣裳手自裁
寄君親付與
郎開錦衾角枕期
寤交遮莫無人莫寄回

春曲 二首

春天不雨亦不晴
楊花飄盡池萍生
庭鳥雛成巢燕暝
惟有杜鵑啼到明

春晴野煙生
綠塘春遊綵女鉛華光
碧雲日暮去何處
紅葍白蘋他自香

楊柳枝詞 九首

多事垂楊管送迎
長條折盡短條生
不知幾許東風裏
猶帶

輕烟冒晚晴

漢將營中萬樹春朱旗曉色動星辰可憐烟雨章臺路翠縷

斜縈走馬塵

楊葉淒淒惡畫樓楊枝嫋嫋弄輕柔鳴鳩叫罷黃鸝語肯信

年華有素秋

憶昔春風白下亭桃紅李白柳青青繁華一夢今何在露葉

依稀似淚零

長干橋邊楊柳枝千條萬縷鬱金絲人來人去爭攀折無復

青青映酒旗

淮水春晴碧簾紋楊花楊葉總成雲錦帆零落美人畫枝上

沉鷺誰獨聞

二月垂楊綠葉齊無朝無暮子規啼飛花袞袞向東去却被

東風吹向西

枝上穠花吹漸稀樓前楊柳正依依春風解釋佳人恨故卷

繁陰放燕歸

長江春水去悠悠亂絮輕花取次休落日高樓怨橫笛寒鴉

飛盡暮蟬愁

宮怨二首

沉沉煙雨掩孤闌可恠東風到得遲今日清明上樓望不知
花謝已多時

何處春風拂苑牆
飛花片片入昭陽
多情尚有池邊柳
留得啼鴛伴日長

女兒子

女兒二六月上弦
嬌羞長在阿婆邊
阿婆惜愛女兒子
女兒只愁阿婆死

太師誠意伯劉文成公集卷之十終

太師誠意伯劉文成公集卷之十一

後學麗水何鏗編校

歌行

送陳庭學之成都衛照磨任

君不見岷山導江戒南紀
噴雨虛雲九千里
瞿唐劍閣鍵重關
錦城花繞成都市
雄藩作屏鎮羌夷
列郡五十爪牙之長
夏雪山連太白
玄冬熱海蒸坤維

聖皇握符御宸極
煙塵不起鯨波息
鳳凰麒麟在郊藪
川后徽靈俱效職
籌邊樓上羅俊良
况子敏學年方將
將軍幕府曾試用
驛驢熟路宜騰驤
大編揚帆沂江水
東風漫漫吹蘭

正綠衣鶴髮對晨昏有酒盈尊且且旨吾聞嵒味上與井絡
通風氣隔閩華與戎九夷八蠻滯帝澤廟堂已得攻心策

為王輔卿郎中題雪灘寒鴈圖

雲茫茫水浪浪林木脫葉無稻糧烏啼鴈叫天蒼涼歲云莫
矣江山長有竹有竹在高岡三株凍折兩復僵小禽悲飛不
能揚蒼梧悠悠隔沅湘欲往從之川無梁願披寒霄見朝陽
勿令嗷嗷傷我腸

漁樵問答

樵問漁江湖風波惡何似采薪人無憂藜藿漁者樵山中
何所有未若擢扁舟得魚即沽酒

題王元章梅花圖

會稽老王拙且癡能畫梅花稱絕奇春牕走筆生古惟中有
窈窕傾城姿人生得閑真是好得閑不閑惟此老布袍闌華
髮不梳一生只被梅花惱天生梅實可和羹爾梅有花結不
成世間花實總无物不如畫圖終古無枯榮

琴歌贈劉元明

龍門獨樹水蠶弦空林霜清鳴暗泉姮娥抱桂寒不眠離鸞
怨啼風滿天碧潭殷雷龍起蟄月落太陰山鬼泣湘江秋水
一劍明帝子歸來聞珮聲扶桑浪翻碣石改東海魚飛入西
海白雲去盡天茫茫十二玉樓深夜涼

二鬼

憶昔盤古初開天地時以土為肉石為骨水為血脉天為皮
崑崙為頭顱江海為胃腸萬岳為背脊其外四岳為四肢四
肢百骸咸定位乃以日月為兩眼循環照燭三百六十骨節
八萬四千毛竅勿使淫邪發洩生瘡痍兩眼相逐走不歇天
帝愍其勞逸不調生病患申命守以兩鬼名曰結璘與鬱儀
鬱儀手捉三足老鴉脚脚踏火輪蟠九螭咀嚼五色若木英
身上五色光陸離朝發暘谷暮金樞清晨還上扶桑枝揚鞭
驅龍扶海若蒸霞沸浪煎魚龜輝煌焜耀昏幽暗燠煦草木
生芳蕤結璘坐在廣寒桂樹根漱嚙桂露芬香菲啖服白鬼

所擣之靈藥跳上蟾蜍背眷騎掬光弄影蕩雲漢閃奎燦壁
葩花攜手摘桂樹子撒入大海中散與蚌蛤為珠璣或落岩
谷間化作珣玕琪人拾得喫者腦臆生明暈內外星官各職
職惟有兩鬼兩眼晝夜長相追有物來掩犯兩鬼隨即揮刀
鉞禁制蝦蟇與老鴉低頭屏氣服役使不敢起意為奸欺天
帝怜兩鬼暫放兩鬼人間娛一鬼乘白狗走向織女黃姑磯
槌河鼓褰兩旗跳下皇初平牧羊群烹羊食肉口吻流膏脂
却入天台山呼龍喚虎聽指麾東岩鑿石取金卯西岩掘土
求瓊巖岩旬洞書石梁折驚起五百羅漢半夜撥刺衝天飛
一鬼乘白豕從以青羊青兔赤鼠鬼便從閣道出西清入少

微浴咸池身騎青田鶴去採青田芝仙都赤城三十六洞主
騎鸞翳鳳來陪隨神魁清唱毛女和長烟裊裊飄旂蜚蕙
吹笙虎擊筑罔象出舞奔馮夷兩鬼自從天上別別後道路
阻隔不得相聞知忽聞韓山子往來說因依兩鬼各借問始
知相去近不遠何得不一相見叙情詞情詞不得叙焉得不
相思相思人間五十年未抵天上五十炊忽然宇宙變差異
六月落雪冰天達鼉鼉上山作窟穴蛇頭生角角有岐鱔魚
掉尾斫折巨鰲脚蓬萊宮倒水沒楣撓捨枉矢爭出逞妖怪
或大如甕盎或長如蛟蛇光爍爍形躩躩叫鹿豕呼熊羆煽
吳回翔魁魑天帝左右無扶持蚊蠱蚤蝨蠅蚋蜚嗜膚啞血

圖飽肥擾擾不可揮筋節解折兩眼瞍不辨妍與媸兩鬼大
恟傷身如受榜笞便欲相約計藥與天帝盪先去兩眼翳使
識青黃紅白黑便下天潢天一水洗滌盤古腸胃心腎肝肺
脾却取女媧所搏黃土塊改換耳目口鼻牙舌眉然後請軒
轅邀伏羲風后力牧老龍告泰山稽命魯般詔工倕使豐隆
役黔羸礪斧鑿具鑪鎚取金蓐收伐材尾箕修理南極北極
樞幹運太陰太陽機檄召皇地示部署岳瀆神受約天皇擇
生鳥必鳳凰勿生鳥與鷓生獸必麒麟勿生豺與狸生鱗必
龍鯉勿生蛇與蠃生甲必龜貝勿生蜃與螟生木必松楠生
草必薺葵勿生鉤吻含毒斷人腸勿生枳棘覃利傷人肌螟

蝗害禾稼必絕其蟪蝼虎狼妨畜牧必遏其孕孽啓迪天下
蠢蠢氓悉暗禮義尊父師奉事周文公魯仲尼曾子與孔子
思敬習書易禮樂春秋詩履正直屏邪歌引頑嚚入規矩雍
雍熙熙不凍不飢避刑遠罪趨祥祺謀之不能行不意天帝
錯怪恚謂此是我所當為恥恥末兩鬼何敢越分生思惟嗷
嗷向瘖盲洩漏造化微急詔飛天神王與我捉此兩鬼拘囚
之勿使在人寰做出妖恠奇飛天神王得天帝詔立召五百
夜叉帶金繩將鉄網尋踪逐跡莫放兩鬼走逸入嶮巖五百
夜叉箇箇口吐火搜天刮地走不疲吹風放火烈山谷不問
杉栢樗櫟蘭艾蒿芷蘅茅茨燔焱熨灼無餘遺搜到九萬九
千九百九十九仞幽谷底捉住兩鬼眼睛光活如琉璃養在
銀絲鉄柵內衣以文采食以麋莫教突出籠絡外踏折地軸
傾天維兩鬼亦自相顧笑但得不寒不餓長樂無憂悲自可
等待天帝息怒解猜惑依舊天上作伴同游戲

寄江西黃伯善兄弟

我思美人乃在洞庭之陽彭蠡之陰衝波亘天三百里離恨
比之應更深揚瀾咆哮左蠡怒白日慘慘玄猿吟欲往從之
憤余心鼉鬣鮪脆不可以駕風縱縱戈兩滂滂望厭原之飛
烟邈巨廬之高岑霞標日觀轟南斗石門雙闕撐欹欽虹旌
兮翠羽昌容兮鳳凰舞葭衣兮萑襟玉笙吹兮紫鸞音望不

見兮悲莫任江水湛湛愁楓林西來文魚曾到海願寄筆札逾
兼金

題安仁余氏留餘堂

君不見石季倫對峯方丈皆八珍珊瑚夜光視如土寧知汨
沒同埃塵又不見李贄皇平生晷食滿萬羊中厨烟火宵未
冷詔書趣使趨南荒金谷名園委蔓草平泉荆棘無人掃榮
華瞬息可奈何空令過者傷懷抱世人積金貽子孫一朝金
盡難復論古來天道有好還君看漢代于公門

送胡季城平江監倉

君不見棠谿沙中金又不見龍門山上桐衝波蕩汨入坎窟

石溜漱醫歌雷風梓人桃氏不見顧自分委棄蒿櫟同一朝
清廟作雅樂搜索絡繹奔雷工飛廉鼓鑄王爾斲熾炭利鑿
相治礪朱絃橫絙筍簾立鎮圭袞冕齊雍容世間物理有消
息累土自可成穹隆司倉雖微君莫棄君不見魯叟當年嘗
委吏

弋陽方氏壽康堂

先生築堂依林臯繞屋杉松浮翠濤烏皮靈壽扶鶴髮項有
千歲隻垂條小孫踉蹌竹馬戲大孫綵衣花底朝有耳不聆
闐闐音有目不識簿領曹鸞啼燕語日高起羽觴沉沉浮春
醪君不見非熊老人釣清渭九十鷹揚亦勞瘁

為杭州鄭善止題蓬萊山圖

君不見大瀛海中有神嶽如崑崙周遭四城五十里石骨纏繞扶桑根琪華爛日珠炫夜翠樓玉殿虎守關鍾山燭龍在其北兩眼燁煜如朝暎仙人東王公掌握天紀弼帝尊長虹為轅龍作馬飄然乘風白日在下弱水蕩蕩無力可負芥自從大禹刻石之後來者寡彼秦之皇其貪如狼而漢之武其欲如虎樓船萬斛空巍巍欲到不到風掣之徐市蜉蝣身乃欲邀安期文成五利小豎子羊質彊使蒙豨皮神仙大咲起濤浪射魚海上夫何為

壽山福海圖歌

吾聞軒轅之國乃在大海之中央其不壽者八百歲壽者乃與天地同久長棊臺縹緲造雲漢赤日繞戶扶乘涼玉泉之水清以香瑤草之味如瓊漿洪崖有時來環佩聲琅琅鳳凰自歌鸞自語青蜺連蜺白雲舞淋漓豹髓浮瑤觴錯金盤薦麟脯耳聞楚水泣皇英眼見商郊奕彭祖琪華玉樹宵有光東風入律春茫茫春茫茫樂無極青驪夜夜月中來廣寒姮娥寄消息

送人分題得鶴山

丁令威乃在崑崙之墟闌風之巔羽衣誤作塵土夢回首人世三千年空中落日松栢冷苦霧慘慘含悲泉夢隨田飈訪

瓊田紫雞青鴨還相憐
丁令威將奈何野有罾繳隱有網羅
前飛烏鳶後駕鵝啄腥爭腐聲嘍囉
渺予懷兮隔烟蘿杳冥
冥兮倚長歌丁令威胡不歸
槐江之山連大駝玉樓金嶂中
天開玲瓏碧樹鏘瓊瑰鳳凰有閣鸞
有臺君胡為兮獨蒿萊
丁令威歸去來

寄宋景濂四首

我思美人乃在仙華之山
山前夜半掛河漢天津兩旗俯可
攀我欲從之阻河關初平不來
白羊死瘦骨蝕盡莓苔頑風
沙蕭蕭隔人間玄霜日夕凋玉
頰有鳥有鳥丁令威側身下上
空孤飛女媧石墜鰲脚折海水
散作雲霧山中奇樹一

華一千秋美人何不折寄我使我歎恨長
疑眸深沉洞谷山
鬼集陰氣六月冰霜留嗟哉美人誰與儔
明年定約赤松子
與尔群峰頂上遊

有美一人兮美且仁自我不見兮不知幾
春仰玄穹兮睇參
辰為合為離兮孰測其因青冥無階兮
江海無津風雨茫茫
兮蛟龍怒瞋安得羽翼兮致我與隣

有美一人兮美且都青霞為衣兮白雲為
裾被秋蘭兮佩珣
玕泰和與游兮中黃與居瞻望弗及兮
芳歲其徂山高水深
兮道阻且紆安得羽翼兮致我與俱

有美一人兮在山中蒼眉黑鬚兮玉雪其
容飲沆瀣兮食紫

虹澡石泉兮灑清風歎初平兮從赤松超逍遙兮樂無窮安
得羽翼兮致我與同

題謝臯羽傳後

阮籍哭窮途墨翟哭素絲賈誼上書期寤主卞和抱玉無人
知人生有情不可塞謝生慟哭非狂癡神奔鬼遁天地革龍
魚貓虎三辰黑黼裳玄袞換種裘鞮唱羌歌滿中國生也何
辜逢此時有才不用空男兒伯益丘墟管仲沒孤根弱植誰
扶持既不能學申胥頭首血沾臆却具再建荆社稷又不能
學鄒衍長號徹帝關飛霜六月凄燕山空將淚灑荒岡兩添
作秋濤撼江浦君不見杞梁之妻善哭夫哭得城崩又何補

夜猿叫罷天晦冥哭聲搖動虛危星蕭湘竹死鳳凰去但見
白波連洞庭嗚呼此士今安在金石可銷心不改應將魂魄
化精衛衝取南山填北海

松陽周處士水壺歌

水壺者枯蒼周處士之所以自號也夫水太陽寒水之凝
而壺者器也水凝為冰至柔而變為剛天下之剛莫尚焉
壺之貴者以玉為之雖粟而冰乎其腹僕切異之於是乎
歌以詠焉歌曰

陰風吹空寒凜冽玉壺夜半玄冰結十二樓中瑣翠鸞太微
宮裏縣明月明月流光照玉壺珠飛上天滄海枯青女鍊霜

封貝闕燧人燭犀龍泣血銀河凌澌膠北斗五色石裂媧皇
走相看一笑天茫然回首人間三萬年

寶林同講師渴馬圖歌

天廐馬神龍姿目如明星耳如錐拳花鬣毛雲陸離揚鬚掉
尾頰虹飛天廐馬閑且驕繫以青絲勒以鑣渴不得飲瑤池
泉飢不得食瓊田苗亘粟不實中腸枵口不能語足屢蹻天
廐馬壯且武食主之食須報主荃秣失時罪在牧圉無如宋
牂怨不得嚼咀喪厥元戎殄師旅天廐馬爾不聞趙國廐將
軍一飯斗米肉十斤被甲據鞍走若雲北斬粟腹西拒秦負
荆謝蘭不為身至今天下稱良臣又不聞漢季劉荊州有牛

千斤角曲觶啖食十倍於常牛負重不若一牝麀老瞞度江
俘楚囚骨肉解割庖刃游天廐馬飽爾食草間封狼追誅殛
威弧撥刺矢不直嗟爾神駿須盡力他年定遇田子方櫪上
優游終主德

青羅山房歌寄宋景濂

若有人兮乃在大江之南淝河之東連山倚拔瀛海上上與
河鼓天津通憶昔四女下天來遺髮墮鬕根麗鴻仙華傑出
寂恠異望之如雲浮太空嵌崿崩施鬪齧不可上蒼蔚雜樹
昏腫朧虎龍咆號猿鶴叫山鬼呵歛生悲風嗟哉若人兮胡
為乎其中梁檀栲兮柱桂楓結青羅兮以帡幪不翦不伐兮

不鹽以攻晨嵐暮藹滴晴雨烟條霧葉相蒙龍鱗鱗兮纒纒
葦葦兮蓬蓬繚糾要紹兮若蒼龍垂胡降玄穹楚麗披離兮
若翠鸞振迅飛麈麈鸚黃和鳴桑扈應髣髴牙曠之絲桐幽
泉發竇鏘玲瓏六月赤日收蘊隆陽凌陰蓄春融融駭花澗草
紛白紅有時皇初平清夜騎羊朝帝君瓊麈羽蓋冰玉珮華
月閃爍光成虹松吹笙竹舞鞠影旃旃兮聲颯颯娛目悅
耳兮樂不可言世間塵土何處夢山有芝隰有豐石鑿鑿兮
水滢滢倚若人兮美且充飢食倦息兮可以保我躬逍遙兮
棲遲又何必訪廣成于崆峒

題仲山和尚群魚圖

濠梁之樂誰能寫哀蟻死後無畫者上人安知身非魚援毫
貌出態更殊剡藤素拂秋雲冷眼前驚見滄江永翠尾輕披
水上萍玉鱗倒漾空中影前行十二相迴環吹滌煦沫淵云
間最後群趨儼成列皎若寒霄舞流雪却思昨夜風雨來赤
鯉已去隨奔雷鱖鱣不作霄漢夢潛心冰暖何悠哉贈言還
畫重太息芒鞋竹杖今何適慎勿作海水淘湧龍崢嶸空令
素壁疑塵生

為本大師題唐臨晉帖

乾符天子萬機暇宮中晝從多儒冠玉堂開宴出晉帖翠氣
蕩搖山雪寒侍臣模寫各臻妙碧樹瓊柯相照耀今我嗟嘆

詩意集 卷十一
至尊喜內官拜舞宮娥咲日斜宴罷歸內園外門有事人不
言君不見關東夜飛赤白丸昭陵玉匣秋風酸

題老翁騎牛圖

白日上悠悠竹梢霧已收晴天不易得及時當放牛鄰家放
牛多兒童我家無兒只老翁寒衣在機織未就原上烈烈多
高風勿言衰老筋力薄有牛可放殊不思但願天公不相惱
牛肯閑眠飢亦好

題也先進德祖母徐氏節義傳後進德之祖以戰死
時其祖母年尚少

鳳乃鳳之匹麒麟乃麟之儔錦衾角枕期白髮誰知不得同山

丘丈夫殉節殞烽矢英靈在世何曾死兩龍未合延平津白
日無光天色紫君不見青松與兔絲引蔓相纏紫松摧絲蔓
斷結根猶作千歲苓洞房含風霜露早孤兒啞啞在懷抱皇
天可憐兒長成相見黃泉情亦好

題金雀園圖

君不見石家名園擬黃屋蜀錦作圍金作谷暖香烘日浮紫
霄冰紈火布鮫人綃燕釵十二歌白苧珊瑚玲瓏綠珠舞月
榭吹笙引鳳凰霧縠傳觴語鸚鵡鬢下蠟光宵未歇樓上佳
人碎瓊空將遺恨寄丹青留作千年覆車轍

初夏即景

前日大熱釋我裘昨日一兩涼如秋寒暄倏忽反覆手冰炭
着躰何由瘳今朝初晴又欲暖園中草芽軋復抽嗚呼安得
伶倫吹嶰竹四氣不愆同玉燭

畫竹歌為道士詹明德賦

我所思兮在瀟湘蒼梧九疑渺無際但見綠竹參天長上有
寒烟疑不飛下有流水聲琅琅中有萬古不盡離別淚化作
五色丹霞漿穿岨貫石出厚地風吹露滌宵有光我欲因之
邀鳳凰天路脩阻川無梁孰知畫史解人意能以造化歸毫
芒虛堂無人白日靜使我顧盼增慨慷玄霜慘烈歲將宴
啼暉叫天悲涼我所思兮杳茫茫山中紫筍春可茹歸來無

使遙相望

題蘭花圖

幽蘭花在空山美人愛之不可見裂素寫置明窓間幽蘭花
何菲菲世方被佩蕢蕢施我欲紉之充佩褱褱獨立衆所
非幽蘭花為誰好露冷風清香自老

送葛元哲歸江西

我昔筮仕筠陽初官事窘束情事踈風塵奔走僅五稔滿懷
荆棘無人鋤明堂大開仕梁棟散木不遺椽稅用豫章江上
一逢君矯矯雞群一孤鳳城頭月出明星稀開門望月露沾
衣文章繡衣郎談屑天葩飛得句即高歌驚起鳥鵲穿林霏

星流雲散隔吳楚有時夢君詩上語座中百合清暉窓外
飄風度踈雨我住青山耕晚霞君去蟾宮折桂華別來八見
秋雁過忽然會合增長嗟江南二月草未秀雪陣如濤袞清
晝投壺命觴盡文友此樂百年何日又一朝復一朝三歲如
過電四牡彭彭子獨賢江東山水看遍人間事萬不齊我馬向
南君向西海門日照漁浦白驪歌欲斷吳雲低枯蒼山臨川
水相思迢迢一千里山高高兮水深深極望不見愁人心應
將旅魂夢化鶴未夜月明懷好音

題釋驂圖

關中小兒勇而競玉帳貔貅三百乘焉知道上十二牛皇天

默佑周同姓絳宮大厲吼如雷墨車載甲光照緄鷹騰二陵
間劔鋒白皚皚壯士百戰腦塗地元帥東縛坐草萊俘囚有
血堪覺鼓自分殘膏染齊斧萬死一生直望外豈意片言由
內主鴻鴈曾傷弓尚為空卷愁犀兕脫匣出聞呼肯回頭河
邊解驂徒譴謀舟中稽首心悠悠濟河封尸勿云晚此事終
作晉國羞君不見夫差遺子胥空灑姑蘇泣丈夫深戒婦人
仁養虎遺患悔莫及

題錢舜舉馬圖

具興公子雅好奇欲把丹青競天巧花蜂柳鶯看已足貌得
驂圖更好浪花滿身蹄削礪兩耳抽出春筍尖風鬣欲拂

九霄霧隅目似掛高秋蟾昨者王良失鞿韉封狼咆哮蛇豕
闕天閑乘黃越在野出車未見歌南仲嗚呼安得此馬背負
郭令公掃清四海歸奏明光宮

題王元童梅花圖

道人紅顏映髭雪欲與梅花鬪清潔夢魂化作梅花神貌得
梅花最奇絕高軒落筆當晴曦北風吹樹寒雲垂九霄露洗
珠玉蓋野水影動龍蛇枝勞生苦被煩熱惱見此令人暢懷
抱虛堂夜半明月入玄鶴一聲驚絕倒西湖處士骨已槁湖
上淡烟迷蔓草石壇日夜長蒼苔紫脫瑤英為誰好羅浮山
在何處聞道其間無散木只有梅花三萬樹黃初平在金華

山中白羊許借我與爾並駕凌飛霞

題縣涯蘭花圖

洞庭一夜西風起沅湘美人隔秋水翠蕤玉佩冷不收怨入
蒼梧九千里蒼梧之山絕浮烟上與女媧所鍊之石相牽連
瘦根迸雲石為穿紫莖瓊蕊涓飛泉一開一落三千年歲晏
玄霜白日晏南山桂枝化為棘我欲采之無羽翼月宮青鸞
呼不來卧看月明空太息

題雪汀圖

天迷迷地茫茫雲垂日白江水黃駿鳥凍縮龍走歲雪花如
月開樽桑彼何人斯一葉航手持釣竿詠滄浪詠滄浪倚道

遙天風吹入瑤池去素女素娥應見招

為董楚芳題山水圖

金庭接四明會稽歲禹穴半嶺生白雲如濤湧溟渤我住城南隔天鏡朝夕看山見山性是誰模寫作畫圖展向高堂色相映天上寶書緘石室翠栢蒼筠曉蕭瑟有蛟如龍身九屈林深嶂疊不見日龍氣吐為烟霧出何處樓臺香竊中蓬萊只在雲門東陽崖不留建木影陰澗自起樵人風賀知章今已矣湖邊酒船為誰艤赤城霞標通宛委陵苔花開落松子蕙帶荷衣歸去來清泉素石無泥滓

寄陶中立郭秉心叙舊言懷

為別未五載恍如生死隔有時長想愁欲狂中夜感歎無羽翼憶昔相逢俱壯年錢唐柳綠花含烟粉牆繚繞子雲宅華燈照幙自草玄春城飛雪滿一月立馬敲門馬蹄沒銅壺驍箭三十六易坐更投鏃相扞仰天大笑催命鶻酒多雪急天茫茫論文握手到爾汝知有膠漆無參商君行却向江東去我亦棲遲廣文署震澤風驚白鴈秋玉山露落青楓暮井邑蕭條切火餘行人何處問緘書傳聞那得辨真假引領遙望空嗟吁今年飄泊越城裏重見手書悲且喜舊游雖在舊人非獨立看雲淚如水羨君絳帳開海濱綵衣堂上生陽春艱危大幸適樂土况有主翁賢且仁嗟余數與時不偶畫虎不

成祗類狗家鄉蕩析身轉蓬棄置田園事奔走豺狼在郊蛇
在藪府縣官曹但糊口藩垣久厭邊鄙報旄丘載馳徒疾首
郭公子今何如璞中之玉可照車委棄土壤慚砥礪往事轉
頭同過翼猿鶴蟲沙豈終極南山直幹劈雷電般匠束手
無顏色殷勤寄情素會面未有期願言努力各自慰莫遣青
鬢先成絲

和吳以時秋夜長篇

秋夜長今日何日此何鄉流螢在砌苔在墻明星滿天月照
床東西南北路渺茫車何為乎水中央秋夜長今日何日此
何鄉

潛溪圖歌為宋景濂賦

金華山水天下希潛溪龍門尤絕竒群峰峻極河漢上一峯
獨立芙蓉陂先生結廬在其下文追班揚蕙賈馬遂令此山
增壯觀野有樸楸皆梧檟上清道士方壺乘輿為作潛溪
圖丹崖翠麓神仙居東望日出樹如蘇溪流穿林還度谷十
里一達五里伏龍湫吐景生白虹藤蘿振兩松呼風却憶往
時清夜月帝女乘雲下天闕鍾鏞鏗鐃蕭鼓發霓裳羽衣飄
滅沒初平騎羊前啓行長髯鬚髮飛玉霜秦娥吹笙玄鶴舞
牽牛河鼓疑寒芒相思迢迢頻入夢夢駕兩鸞從一鳳覺來
毛髮猶爽浙目送征鴻度空碧山有疏水有魚函澗有泉清

可料何時上疏乞骸骨寄聲先遣雙飛鳥

題陸放翁賣花叟詩後

君不見會稽山陰賣花叟賣花得錢即買酒東方日出照紫陌此叟已作醉鄉客破屋含星席作門濕螢生竈花滿園五更風顛雨聲惡不憂屋倒憂花落賣花叟但願四海無塵沙有人賣酒仍賣花

題柯敬仲墨竹花石

紅桃花天天綠竹葉凝凝水邊石上相依倚恰似佳人配君子奎章博士丹丘生寶書鑑盡芸閣清染朱涅翠歸墨筆收入造化無逃形烟濃風暖春如醉竹有哀音花有淚花枯竹

死今幾年空留手跡令人憐

為包與直題太一真人圖

太一真人麗眉須不知所持何代書既不學昴星降精下輔隆準公又不學傳說請帝通夢寐左右商王陳範謨眇然一葉蓮花萼清秋風吹落淫塗紅凋粉瘵不可扶君何為乎以為桴蕩漾九河凌五湖誇耀水伯驚天吳坐令文成五利之輩假借神聖欺庸愚靈旗風翻吐荆符疊鹿無鬼夫何辜漢宮天祿連石渠金缸銜璧麗綺疏青藜有燄如美藻何不分餉依光夜績之徐吾高堂耽耽縣畫圖作歌一咲駭里閭

為戴起之題依鳥圖牧谿畫

巴東之西巫山高連峰插天關健牢中有懷凌簸谷之波濤
藤蘿杳冥風怒號人跡不到神鬼逃但見野猿沙鳥群相嘈
聳聳百竅搖巖壑此景可聞不可遭爾何為乎貌以毫毛嗟
我用心無乃勞江盤峽束雷雨昏崩坼死樹纏古根玄猿抱
兒隨白猿長臂嫵嫵相攀援舔舐譎詭越騰鸞懸柯攫石墜且
掀上有滿月如頰盆貧鶯桃枝寒自蕃嘉實不食鳳高翻但
見娥皇女英之淚痕勢窮險盡原野闕落日烏鴉繞雲黑荻
花茫茫蘆葉赤前飛鵠鶴後鳧鷖瀟湘洞庭烟水碧馬虞鸞
驚無顏色還君此畫長太息獨立看天淚沾臆

題界畫金山圖

岷山導江入海長金山却在江中央下有地軸連扶桑上有
鳥道通九陽白波繞之如雪霜杳然浮空或低昂骨危樓峻
閣造半斗一似蓬萊之鏘鏘撞金伐革殷朝夕丹雘翠葩相焜
煌巖崖洞谷蛟龍堂斑鱗錦紋頰頷張隱嶙竊窈窕暄涼虎
蹄豹跡萬古不可到海若夜出烟霞香摩尼之珠明月光日
連持來自西方謂能驅遺毒泯消災殃轉惡為善回妖祥嗟
我欲往不能翔畫中忽見心飛揚涉水有鼉野有狼武陵桃
花今渺茫浩歌一曲增慨慷

題界畫卧龍山樓閣圖

巍巍乎大海之西浙河之東是曰會稽夏后所封吞雲吐雨

隔蹀次闔闢光景調春冬地平天成五千載職貢長與中華
通洞天石室神仙宮香爐紫氣騰芙蓉禹穴窈窕潛蛟龍王
書金簡今無踪但見蒼松翠柏暎曖閉白日依然斗牖生悲
風卧龍何蜿蜒向之離立如孩童上有朱甍碧瓦縹緲浮玄
穹流星穿牕月掛戶下視水木尤玲瓏多年不見掌膳處野
花自落莓苔中綠蘋香飄楊柳濃漁舟一葉波溶溶黃冠賀
老已寂寞澹烟細雨空青楓雁山狂客意匠工能以翰墨偷
天功對此使我心神融便欲築室依巖從短衣瘦策尋葛洪
燕服石髓餐晴虹翩然遠逐浮丘公不須懷古意慘戚伯夷
綺季俱蒿蓬

陳彥德以畫見贈歌以酬之

君不見昔者米南宮又不見今時趙學士能將翰墨爭鬼工
天下流傳名父子枯蒼處士身姓陳小郎英俊尤可人欲收
大地入掌握筆意所到如有神曉携小幅來贈我紅日滿窓
花婀娜開軒展視心眼寬如在岳陽樓上坐湖波吹烟入遠
山君山乃在湖中閭蒼梧九疑隔湘浦孤雲目斷幽篁斑漁
舟一葉來何處巫峽雨昏啼鴉暮澤畔行人久不歸沙上輕
鷗自飛去陳公子聽我歌深林大谷龍蛇多蓬萊三島可避
世欲徃其柰風濤何

長平戈頭歌

長平戰骨煙塵飄歲久遺戈金不銷野人耕地初拾得土花
潰出珊瑚色邯鄲小兒強解事枉使泥沙埋利器四十萬人
非少弱勇怯賢愚一朝棄陰坑血冷秋復春朽壤食盡蒼蛇
鱗湮淪長愧柱郵劔廢墜空憶樁候人故壘中宵鬼神入雲
愁月暗戈應泣嗚呼當時豈無牧與頗戈乎不遇可奈何

涇縣東宋二編修長歌

浙東行人過江左正值蕤賓之管吹輕葭陰氣黯黯天地閉
仰面不見扶桑鴉谷風哀鳴灌木應雨脚四垂如亂麻崩湍
湧溜汨奔會平地礮齧作臼窪便疑桑田變滄海流末熒眼
無津涯菅茅披猖黃竹拜蛙黽狼籍助喧譁滿路青泥雜隕

籜局縮畏觸蛭與蛇破瓦荒畦舊市井荆榛穢與巢龔麗翠
眉蟬鬢轉蓬去頽墻缺甃劫火煨善滯禍福不可料韶豔天
闕令人嗟叢祠佛殿總銷歇但見木偶眠泥苴前度長洲絕
短澗輿從沾濕水沒腓寒颺瘁透衣袖雖有氈蓋那能遮
水邊老鶴學人立鷺鷥侍傍如小嫖廢田蔓草結旌旆農夫
盡化為蟲沙布穀不知時事異勸耕終日聲查查晚來雨歇
到涇縣只有蒿荻無人家縣官趨迎入公解筋學骨解肉半
麻蕭條破竈冷灰地飢童東口張嗒呀溲泔麥飯那能致新
豐酒醪何處賒古稱悲歌可當哭莫恠咲譎同兒哇夜深月
出照庭樹鬼燐一似青蓮華驚魂遁魄稍歸舍收入志慮無

令邪愁雲苦霧子規叫起坐更昉羲和車

為張生題趙仲穆畫馬

天廐之馬高且肥王孫貌出真絕竒杜陵寒儒恒苦飢枉使
韓幹遭誚喚渥洼天馬龍象力朝發太蒙暮西極豆芻五石
充一食力由食生非外得地黃首宿羨如飴嚙以甘泉清肺
脾神完氣定叱止時素餐立仗馬耻之高風吹馮酸棗紅狼
烟夜半通田中為君長鳴起子公斬取郅支歸獻明光宮

為詹同文題浙江月夜觀潮圖

君不見四時平分成歲功以秋繼夏獨不同炎官挾長握天
柄七月赤日熺玄穹暮收抱鉞蹲白水野氣赫赫撼頽虹陽

侯喘汗河伯暘少昊上訴愁天公會須萬物長養遂期以仲

月虛宵中此夜姮娥魄正滿命駕四蟾驂兩馭指揮禹強出

玄渚蕩滌敵焗清霾蒙河漢發源牛斗下曲江上與天津通

初看一髮起溟徼如曳組練來於東漸聞殷鑿鼉鼓發倏忽

萬雷聲撼風天吳掉尾出溟涬馬銜揚髻招海童霓旌縞帳

驚羽憐瑤臺十二浮空濛藥珠仙人乘王輅騰駕鶴鵠飛氈

氈長庚歛霍揆光耀電母扶龍嗥戛銅宓妃起舞素女從瓊

珮絳絲雲帟幪水綃霧縠紛颯纒霜旂雪旛高翳空鯨魚呀

呬鮫鱗道蒲牢哮吼馬夷宮瞿唐巫峽起平地灩澦若象鑿

回滾先驅已過赤亭嶂後從始發龕山嶺商聲爽浙合群籟

澤國凜凜寒欲凍先生翫月坐樓上夜氣澄寂神和冲憑闌
快覩煩暑退呼兒命酒澆喉龍自舞自歌歌自作月照白髮
三千總歌聲地賜林壑應竹樹戛擊絲與桐淵魚躍波棲鳥
作紫桂繞屋清香融君歌曲終響未終我歌激烈留征鴻瞳
眸相視俱老矣况有聚病來交攻

聖明天子御宇宙威惠與天相比隆首丘倘許謝轡絆猶有
古月光臙臙行當唱和三百首求與潮汐流無窮

戲為雪雞篇寄詹同文

我為先生歌雪鶴逸興翩翩入寥廓先生為我談雪鷄扶桑
晝景寒淒迷雪鶴排雲舒六翮長鳴遠逐浮丘伯玄洲巨君

張兩耳聾人踉蹌走如蟻雪雞欲上蟠桃枝白光燦眼流瓊
藕騰身躡折琅玕樹片片琪華振鷗鷺鶴飛撥刺向遼東海
鯨揚波雪半空縞衣襪襪丹頂素九臯月黑猿嗥風雞啼啞
伊夜方求驚起駿烏怨金井群仙環珮響玲瓏十二玉樓烟
霧冷憶昔康回觸折天柱時女媧扶天立天維坤維太白作
天骨萬古至今長積雪上有雪蛆大鼓長如轆水蛇雪鼠相
蜷蜿味如餒餒色如乳入口清涼生肺腑炎埃蕩滌邪穢除
幽精爽靈游六虛鶴也莫與烏鴉爭腐鼠雞也莫向溝塍拾
禾黍雪寒可畏清可欲洗髓伐毛天所玉雪可嚙兮水可餐
誰其作友三青鸞

題米元暉瀟湘圖

米家父子皆好竒戲弄筆墨如小兒三百年來傳幾手坐見
銷鑠同春澌丹青馳譽士所耻勉強狗物寧非癡蒼梧之山
鬱歎嶷重華往矣空寒颺猿啼鳳去竹迸浹白日慘淡令人
悲瀟湘洞庭連鄂渚江漢波濤動荆楚不見軒轅張樂時水
妃怨泣鮫人語問君此圖何處得中有遠意衆莫識君不見
岐陽石鼓字泯滅千載猶為人愛惜

題趙學士色竹圖

竹性本孤直磬折良可憐由來剛介有摧挫歲寒然後知真
堅虛堂無人清氣會日滿高林風影碎漆園胡蝶去茫茫今

落瀟湘蒼玉佩我思美人淇水隈路永莫致增悲懷雪霜紛
糝嘉實晚不知鳳皇來不來

送黃巖林生伯雲還鄉覲省

生兒須男不須女二十辭家事

明主由來卿相出白屋志士寧甘守環堵天上黌宮古庠序
濟濟衣冠鷁鷺羽學業湏兼文與武濟川期舟早期兩懸髻
看書困不眠劬心問道飢忘咀朝來忽覩林間鴉雛飛哺母
聲啞啞慨想高堂缺温清稽首 天闕動

天聽春烟蒼茫春樹綠水煖芹芽白如玉扁舟蕩漾駛歸風
綵服飄揚炫晴旭盈門弱柳驚黃絲鶯鳴如絃花滿枝開門

見兒喜不定問言執手仍牽衣牽衣上堂拜嘉慶蓮豆既具
殺且時兒前勸酒還蹈舞親戚滿筵謹咲語朱顏婉婉映青
松鶴髮嬋娟照芳醕為子歌一曲送子汪之酒到家早來旋
勿為兒女慈人生有親樂莫樂况乃
君恩重山岳讀書不可迂檢身不可疎勸子慎勿學世儒變
言耻行名為愚君不見良金鑄為器鼎彝亨飪于將利才全
德倫稱大賢報

國榮親兩無愧

送姚伯淵之清溪河泊所任

清溪之水通秋浦石白水清魚可數
鱖鱗鯉鱣與鱖小魚

如鉞大如杵侵晨漁艇浮空來千夫撒網雲烟回鳴榔擊楫
聲如雷水怪駭珠宮開課魚使者矢魚急馮夷嗟唏龍母
泣琴高赤鯉縱有神何暇超騰作人立吾觀大江之中有吐
魚名曰海豨頭如猪群行九十其朋徒散沫成兩條歛育風
俱旌陽仙人上天去已久平地波濤隨處有春淵潛鱗陟負
水時哉罔俾虞人後小魚瓊碎懶所捐大魚多膏祗自煎君
不見振振鷺白如玉沙頭見魚飢不啄一朝飛上瑤華池紫
鷓黃鶻相追隨俯視禿鶴垂六羽還共野鳥爭腐鼠

雙鯉堂歌為唐侍儀賦

君不見魯陽揮戈回白日又不見耿恭拜井飛泉出精誠自

古格皇天如響應聲非異術長江鯉魚龍伯臣三十六鱗紅
錦勻枕丁尾丙宮淵淪乘駕潮汐扶桑津天憐孝子孝不匱
特勅水官宣德意玄冰躍出雙赤鯁頃刻寒谷生春溫之子
高堂髮如絮每懷古人心是慕中庭鑿池專種魚魚行圍圍
隨陶朱晨昏膳羞不遠索翠韭金橙鱠肥白中婦奉飧少婦
進大兒登歌小兒拍合歡花開庭草芳忘憂花開池水光凌
晨上馬出門去彩袖被拂金爐香薄暮言歸拜堂所何况有
魚耳且肯忠孝由來同一軌努力揚名煥青史

舊在杭時為冷起敬賦泉石歌亂後失之今起敬為
協律郎邀予寫舊作已忘而記其起三句因更足之

君不見吳山削成三百尺上有流泉發蒼石冷卿以之調七
絃龍出天陰風動天初聞涓涓響林莽悄若玄宵鬼神語泠然
穿岬達幽谷竿籟颼颼振喬木未懷帝子來瀟湘瑤環瓊珮
千鳴璫女夷鼓歌交甫舞月上九疑啼鳳凰還思媧皇補穹
碧排挾銀河通積石咸池鴻浪入重溟玉井水斯相戛擊三
門既鑿龍池高三十六鱗騰夜濤豐隆咆哮震威怒鯨魚捷
尾驚蒲牢倏然神怪歸寂寞殷殷餘音在寥廓鮫人淵客起
相顧江白山青煙漠漠伯牙骨朽今幾年叔夜廣陵無續絃
絕倫之藝不常有得心應手非人傳憶昔識子時西州正繁
華箏笛沸晨晷離襟侏爭矜誇子獨倘佯泉石裏長日松

陰淨書几取琴為我彈一曲似掬滄浪洗塵耳否徃泰來逢
聖明有虞製作超莖英和聲協律子能事罔俾獲擊專其名

太師誠意伯劉文成公集卷之十一終

